

詩
經
類
考

詩經類考卷之二十九

明武塘沈萬鈞仲容采輯

說詩異同考

周頌

清廟篇

序云祀文王也周公既成洛邑朝諸侯率以祀文王
焉○尚書大傳云周公與升歌而絃文武諸侯在廟
中者侃然滿其志和其情愀然若復見文武之身○
獨斷曰清廟一章八句洛邑既成諸侯朝見宗祀文
王之所歌也○書君牙篇穆王作誥曰丕顯哉文王

謨丕承哉武王烈夫丕顯丕承卽不顯不承也彼分言文武此專言文王何也按書洛誥稱王在新邑烝進文武而清廟爲其升歌之詞則穆王之分言亦有據矣今此專言文者劉安成所謂父子竝進統于尊也○孔氏曰書傳曰周公將作禮樂優游之三年不能作君子耻其言而不見从耻其行而不見隨將大作恐天下莫我知將小作恐不能揚祖父功烈德澤然後營洛以觀天下之心于是四方諸侯率其群黨各位于庭周公曰示之以力且猶至况導之以禮樂乎然後敢作禮樂書曰作新大邑于東國洛四方民

大和會此之謂也○箋云清廟者祭有清明之德者之宮也謂祭文王也天德清明文王象焉故祭之而歌此詩也廟之言貌也死者精神不可得而見但以生時之居立宮室象貌爲之耳成洛邑居攝五年時○輔氏曰文王之德不可名言凡一時在位之人所以能敬且和與執行文王之德者卽文王盛德之所在也必于其不可容言之中而見其不可揜之實則詩人之意得矣讀此詩想當時聞其歌者真若洋洋乎如在其上如在其左右又何待多著言語委曲形容而後足以見之哉○此詩當與載見辟王同看此

率諸侯以祭文王彼率諸侯以祭武王此爲成王之祭疑彼亦爲成王之祭故洛誥曰文王騂牛一武王騂牛一○呂氏曰士虞禮祝辭曰哀子某哀顯相夙興夜處不寧然則是主人之外餘皆顯相也成王祭主也周公及助祭諸侯皆顯相也濟濟多士凡助祭執事者皆在也相惟辟公天子穆穆言顯相之肅雝則成王穆然奉祭之氣象不言見矣

維天之命篇

序云太平告文王也箋云告太平者明六年制禮作樂○傳云孟仲子曰大哉天命之無極而美周之禮

也下二句箋云於乎不光明與文王之施德教之無
倦已美其與天同功也假嘉也溢盈溢之言也以嘉
美之道饒衍與我我其聚歛之以制法度以大順我
文王之意謂爲周禮六官之職也書曰考朕昭子刑
乃單文祖德○嚴氏曰凡言聖人如天者以此擬彼
天與聖人猶爲二也此詩但以天命之不已與文德
之純對立而並言之不知天之爲文王邪文王之爲
天邪蓋有不容擬議者

維清篇

序云奏象舞也箋云象舞象用兵時刺伐之舞武王

制焉獨斷曰此奏象舞之歌也○詩說曰亦祭文王于明堂而奏象武之詩○傳云天下所以無敗亂之政而清明者乃文王有征伐之法故也文王受命七年五伐也肇禋箋云文王受命始祭天而征伐也周禮以禋祀祀昊天上帝文王造此征伐之法至今用之而有成功謂伐紂克勝也征伐之法乃周家得天下之禋祫○張子曰肇禋始大祀文王也○呂氏曰周公宗祀文王于明堂以配上帝所謂肇禋以文王配帝于此也○嚴氏曰禋者王者祀天之禮也文王有典則以貽後人王業雖未成而禋祀之禮已肇始

于此遂至其後而有成焉是文王之典爲周之禎祥也祥者吉之先見也○通解云詩序曰維清奏象武也朱子謂詩中無象武之意按禮文王世子明堂祭統皆云升歌清廟下管象武象武與清廟對故序曰維清象舞也以此○堯舜之典以後雖大禹之功之德亦但爲謨而不得爲典况文王乎然五子之歌曰明明我祖有典有則頌之維清我將皆言文王之典此見孝子慈孫之尊祖殆視禹與文王如堯舜邪

烈文篇

序云成王卽政諸侯助祭也○朱子謂中未見卽政

之意○儀禮賓三獻尸之後主人酌酒獻賓歌烈文
其在此時與○首章傳云烈光也文王錫之箋云惠
愛也光文百辟卿士及天下諸侯者天錫之以此祉
福也又長愛之無有期竟子孫得傳世安而居之謂
文王武王以純德受命定天位○二章傳云封大也
靡累也崇立也皇美也○箋云崇厚也皇君也無大
累于汝國謂侯治國無罪惡也王其厚之增其爵土
也念此大功勤事不廢謂卿大夫能守其職得繼世
在位以其次序其君之者謂有大功王則出而封之
○疏云此經所陳皆戒諸侯之事上已言文王賜之

此又言惟王立之封立諸侯始之于武王則惟王立之謂武王也既陳文武之愛諸侯乃云念此戎功則是戒諸侯使念祖父之大功也諸侯各爲一國之君不得有次序之義釋詁云序緒也則繼父祖之胤緒也故王肅云武王得天下因殷諸侯無大累于其國者就立之序繼也思繼續先人之大功而美之○毛詩或問曰封者封閉謂吝嗇也靡者侈靡謂奢汰也諸侯人庶奢儉不同故兩戒○末章傳云此前王文王也○箋云無強乎惟得賢人也得賢人則國家疆矣故天下諸侯順其所爲也不勤明其德乎勤明之

也故卿大夫法其所爲也

天作篇

序云祀先王先公也○詩說曰周祭岐山配以太王文王之詩○獨斷曰祀先王公之所歌也○新安胡氏曰詩只稱太王則祀不及先公明矣若祭其人不頌其德可乎然朱子定以爲祭太王不及文王者豈以詩不言王季也若并祭王季頌其子不頌其父乃預祭其間亦非所安也故只以爲祭太王詩也○傳云作生荒大也天生萬物于高山太王行道能安天之所作也箋云天生此高山使興雲雨以利萬物太

王自幽遷焉則能尊大之廣其德澤彼彼萬民也徂
往行遠也彼萬民居岐山者皆築作宮室以爲常居
文王則能安之後之往者又以岐邦之君有平易之
道故也易曰乾以易知坤以簡能易知則有親簡能
則易从有親則可久有功則可大可久則賢人之德
可大則賢人之業以此訂太王文王之道卓爾與天
地合其德○筆談曰朱浮傳作彼岨者岐今按後漢
朱浮傳無此語惟西南夷傳朱輔上疏曰詩云彼徂
者岐注引韓詩傳曰徂往也夷易也行道也彼歸文
王者皆曰岐有易道可往歸矣謂仁人之道易行故

岐道險僻而人不難○毛詩或問曰彼徂矣岐舊註
皆矣字絕句岐屬下讀朱子以岐屬上按照彼作矣
則舊讀爲是○朱公遷曰周之先公稱后稷公劉先
王稱太王王季然天作祀太王思文祀后稷而公劉
王季無其詩豈篤前烈視克配彼天者不同勤王家
視肇基王迹者有間與抑夫子正樂于殘缺之餘本
有是詩而亡之也然公劉之厚民王季之受祿施子
孫雅頌正可互見其爲有德之宗信矣○春秋公入
祊鄭伯假許聖人譏其有無親之心謂其與人以先
祖所受之邑也岐周之地荒之者太王康之者文王

創立之難有如此者後世子孫舉而棄之如敝屣然
無親之心孰甚邪○嚴氏曰成功告神明之頌多言
子孫當保守之意蓋子孫能保守則可以慰祖宗之
心矣○天作高山一句可包皇矣一章太王荒之一
句可包作之屏之一章聖人詩法詳于雅而畧于頌
如此皇矣告君不詳不足以盡忠告天作告神不約
不足以主敬

昊天有成命篇

序云郊祀天地也○朱子謂此詩詳考經文而以國
語證之其爲康王以後祀成王之詩無疑而毛鄭舊

說定以頌爲成王之時周公所作故凡頌中有成王及成康字者例皆曲爲之說以附已意其迂滯僻澁不成文理甚不經見而古今諸儒無有覺其謬者獨歐陽公著時世論以斥之其辨明矣然讀者徂于舊聞亦未遽肯深信也小序又以此詩篇首有昊天二字遂定以爲郊祀天地之詩諸儒徃徃亦襲其誤殊不知其首言天命者止于一句次言文武受之者亦止一句至于成王以下然後詳說不敢康寧緝熙安靜之意乃至五句而後已則其不爲祀天地而爲祀成王無可疑者○詩說曰康王禘成王于明堂之詩

○獨斷曰郊祀天地之所歌也○輔氏曰不敢康戒謹恐懼也不宏則體不盡不深則見不徹不靜則不能到冲漠無朕處不密則不能到萬象森具處宏深陽之德也靜密陰之德也合是二德則能承藉乎天之命我者也夙夜無間斷也能夙夜基命宥密則能繼續光文武之業而盡其心才有間斷則文武之業便有蔽昧處而已之心亦不能盡矣天命也文武之業也已之心也天下之安也皆是一統底事○傳云基始也宥寬也密寧也箋云有成命者言周自后稷之生而已有王命也文武受其業施行道德成此王

功不敢自安逸早夜始順天命不敢懈怠行寬仁安
靜之政以定天下寬仁所以止苛刻也安靜所以息
暴亂也單厚也靖和也於美乎此成王之德也旣光
明矣又能厚其心矣爲之不憊倦故于其功終能安
和之謂夙夜自勤終于天下太平○國語云昊天有
成命是道成王之德也成王能明文昭能定武烈者
也夫道成命者而稱昊天翼其上也二后受之讓于
德也不敢康敬百姓也夙夜恭也宥密密者寧也億
也命者制今也基者經也○賈誼新書禮容篇曰宥
密密者寧也億也命者制今也基者經也勢也夙早

也文王有大德而功未就武王有大功而治未成及成王承嗣仁以臨民故稱昊天焉不敢忘安早興夜寐以繼文王之業布文陳紀經制度設犧牲使四海之內懿然葆德各遵其道故曰有成承順武王之功奉揚文王之德九州之民四荒之國謠謠文武之烈累九譯而請朝致貢職以供祀故曰二后受之方是時也天地調和神民順億鬼不厲崇民不謗怨故曰宥謚○韋昭解明文昭定武烈烈威也君能定其文使之昭定其武使之威按此二句則文武非文王武王矣○范蜀公曰此楊雄所謂康王之時頌夸作于

下班固亦謂成康沒而頌聲寢言自成康之後不復有見于頌也

我將篇

序云祀文王于明堂也○傳云將大享獻也言我所美大我所獻薦者惟是肥碩之牛羊也○箋云將猶奉也我奉養我享祭之牛羊皆充碩肥脂有天氣之力助言神饗其德而右助之○疏義云奉而進之曰將奠而獻之曰享○又云明堂之位帝居中文王居西南主皆西坐東向東左西右則饌在左而神在右矣○朱子曰周禮有享右祭祀之文如詩中此例亦

多如旣右烈考亦右文母之類如我將所云作保佑
更難方說維羊維牛如何便說到保佑到伊嘏文王
旣右享之也說未得佑助之佑○安成劉氏曰古人
以右爲尊如云位在其右尤出其右故右有尊義○
二章傳云儀善刑法典靖謀也○疏云刑旣爲法則
式不復爲法當訓爲用毛于嘏字皆訓爲大此嘏亦
爲大也王肅云善用法文王之常道曰謀四方惟天
乃大文王之德旣右助而歆饗之○輔氏曰儀以爲
儀也式以爲式也刑以爲法也疊言此三字以見凡
所云爲動作不敢忘也又曰亦洋洋乎如在其上如

言解義卷之二 公羊二
在其左右之意○三章箋云早夜敬天于是得安文
王之道○記曰仁人之事天也如事親事親如事天
又曰惟仁人爲能享帝惟孝子爲能享親○朱子曰
爲壇而祭故謂之天祭于屋下而以神祇祭之故謂
之帝又曰后稷生于姜嫄以上更推不去故配天須
以稷然上帝卽天也聚天之神而言之則曰上帝此
武王祀文王推父以配上帝者配帝須以父也○問
祀文王于明堂周公以義起之非古禮也不知周公
以後將以文王配邪以時王之父配邪朱子曰諸儒
正持此二義至今不決且周公制禮不知在武王之

時成王之時若在成王時則文王乃其祖也又問繼周公者當何如曰只以有功者配之又曰昔者周公宗祀文王于明堂乃不言武王者以禮樂出于周公制作故以作禮樂者言之○曹氏曰以天道事之則藁結以爲席陶匏以爲器繭栗之牲掃地而祭所以尊之也以帝道事之則牛羊以爲牲簠簋以爲器鼎俎之實其薦用熟所以親之也

時邁篇

序曰巡狩告祭柴望也○詩說曰美大武之三成○周禮大行人曰十有二歲王巡狩殷國注云殷猶衆

也○書周官曰六年五服一朝又六年王乃時巡諸侯各朝于方岳○九峰蔡氏曰柴燔柴以祀天也望望秩以祀山川也五岳四瀆之屬望而祭之故曰望○新安胡氏曰望祭各設于巡狩之方具位茅以辨之而植表于中周禮所謂旁招以茅晉語所謂置茅絕設表望是也○周禮注肆夏時邁也○堯時十二載一時巡舜五載一時巡成周復十二載一時巡堯上古事簡也周世文天子不能頻出也舜五載勤民也文中子曰舜一歲而巡五岳國不費而民不勞無他道也兵衛少而徵求寡也○二章箋云薄猶甫也

甫始也右助次序其事謂多生賢知使爲之臣也其
兵所征伐甫動之以威則莫不動懼而服者言其威
武又見畏也王行巡狩其至方岳之下來安羣神望
于山川皆以尊卑祭之信哉武王之宜爲君也○薛
君傳振奮也疊應也美武王能奮舒文武之道而行
之則天下無不動而應其政教○白虎通曰實右序
有周周至也密也道德周密無所不至也○丁奉臆
言曰武王伐紂救民時然後動時者應天順人之時
也以此時而巡狩故望天之子之旣又決乎天實右
序以昭諸侯而感百神皆以其時言耳不時則何所

望而何所決乎○三章傳云明矣知未然也昭然不疑也○箋云昭見也王巡守而明見天之子有周家也以其有俊乂用次第處位言此者著天其子愛之右序之效也戢傳云聚也箋云王巡狩而天下咸服兵不復用此又著震疊之效也夏傳云大也箋云武王求有美德之士而任用之故陳其功于是夏而歌之樂歌大者稱夏○式序在位按白虎通曰小國有功增土進秩後考無功削黜後考有功上而賜之矣五十里不過五賜而進爵土七十里不過七賜而進爵土能有小大行有進退也一說盛德始封百里者

賜三等得專征伐專殺斷獄七十里伯始封賜二等
至虎賁百人後有功賜弓矢復有功賜秬鬯增爵爲
侯益土百里復有功入爲三公五十里子男始封賜
一等至樂復有功稍賜至虎賁增爵爲伯復有功稍
賜至秬鬯增爵爲侯未賜鈇鉞者从大國連帥方伯
而斷獄受命之附庸三年有功因而封五十里元士
有功者亦爲附庸世其位大夫有功成封五十里卿
功成封七十里公功成封百里士有功德遷爲大夫
大夫有功德遷爲卿卿有功德遷爲公故爵主有德
封主有功也諸侯有九賜習其賜者何子之能否未

可知也三年有功則皆得用之矣三考無功則削其地而賜自并知明并非其身所得也身得之者得以賜當稍斥之爵所以封賢也三公功成當封而死得立其子爲附庸資者之體能有一也不二矣一削爲七十里侯再削爲七十里伯三削爲寄公七十里伯一削爲五十里伯再削爲三十里子三削地盡五十里子一削爲三十里子再削爲三十里男三削地盡五十里男一削爲三十里男再削爲三十里附庸三削爵盡故王制曰宗廟有不順者君斥以爵山川神祇有不舉者君削以地君幼稚不斥悼與耄雖有罪

不加刑焉二王后不貶斥尊賓客重先王也罪惡足以絕之更立其次妻父母不削已昆弟削而不斥以非賢能得之也至于老小但令大夫受其罪而已諸侯暗聾跛蹙惡疾者不免斥尊人君也世子有惡疾者廢不可承先祖也○外傳曰王者之論德也而不尊無功不官無德不誅無罪朝無倖位民無幸生故上賢使能而等級不踰折暴禁悍而刑罰不過百姓曉然皆知夫爲善于家取賞于朝也爲不善于幽而蒙刑于顯夫是之謂定論是王者之德詩曰明昭有周式序在位

執競篇

序云祀武王也○朱子謂此詩并及成康則序說誤矣其說已具于昊天有成命之篇蘇氏以周之奄有四方不自成康之時因从小序之說此亦以詞害意之失○周禮注繁遏執競也○詩說曰昭王禘康王于明堂之詩○朱公遷曰祭三王無其例然武王有世室則必有專祭矣豈昭王以後祭武世室而配以成康歟借曰文世室無詩則夫子正樂于殘缺之餘但因所存者存之耳○范蜀公曰祀武王而述成康見子孫之善繼也○疏義又云按中庸或問云如諸

儒之說至共王時立武世室如劉歆之說至孝王時立武世室朱子亦然劉說則是自昭王以下歷穆共懿孝四王而始有武世室也此或未然○首章傳云無競競也烈業也不顯乎其成大功而安之也箋云競強也能持強道者惟武王耳不強乎其克商之功業言其強也不顯乎其成安祖考之道言其又顯也天以是故美之予之福祿○朱公遷云剛健而加悠久乃能成莫大之功武王承肅將之志十三年始一怒而安天下養勇非一日宜其功烈之無競矣○二章傳云自彼成康用彼成安之道也奄同也箋云武

王用成安祖考之道故受命伐紂定天下爲周明察
之君斤斤如也○三章傳云反反難也箋云順習之
貌

思文篇

序曰后稷配天也○渠思文也國語金奏肆夏繁遏
渠肆遂也夏大也言遂于大位也故時邁曰肆于時
夏繁多也遏止也言福祿止于周之多也故執競曰
穰穰簡簡渠大也美稷配天王道之大也○傳云中
極也言反其性貽我來牟箋云武王渡孟津白魚躍
入舟出涘以燎後五日火流爲烏五至以穀俱來此

謂遺我來牟天命以是循存后稷養天下之功而廣大其子孫之國無此封竟于女今之經界乃大有天下也用是故陳其乂常之功于是夏而歌之○嚴氏曰后稷人臣而周人推以配天疑于追崇之過此詩發明之言德莫大于文稷實有文德能配于天非虛尊之也民心莫不有是中而阻饑則失其常心自稷立厥民之命而後各復其受中之性是民之中皆稷之中也○段氏曰詩言來牟者二蓋麥者五穀成熟之最先一歲豐稔之占又至闕乏時故養民者以此爲善也○袁仁毛詩或問曰陳常于時夏謂常布此

樹藝五穀之法于中夏也

臣工篇

序云諸侯助祭遣于廟也○疏曰謂周公成王之時諸侯以禮春朝因助天子之祭事畢將歸天子戒飭而遣之于廟詩人述其事而作此歌焉戒諸侯之臣使助其公事又戒車右令及時勤農天子賓敬諸侯不飭其身戒其臣亦所以戒諸侯是其遣之事也○獨斷亦曰諸侯助祭遣之于廟之所歌也○詩說曰祭先農之詩也○通解云保介爲籍田而設籍田之制天子千畝諸侯百畝所以承大禘而有人民者皆

在乎此此其所以歌而遣之也此後節之意卽國語所謂恪共于農條其疆畔日服其鏹不解于時也○首章箋云臣謂諸侯也釐理也諸侯來朝天子有不純臣之義于其將歸故于廟中正君臣之禮勅其諸官卿大夫云敬女在君之事王乃平理女之成功女有事當來謀之來度之于王之朝無自專○二章箋云保介車右也月令孟春天子親載耒耜措之于參保介之御間周之季春于夏爲孟春諸侯朝周之春故晚春遣之勅其車右以時事時歸當何求于民將如新田畬田何教其悉趨農時也介甲也車右勇力

之士被甲執兵也於美乎赤烏以牟麥俱來故我周家大受其光明謂爲珍瑞天下所休慶也此瑞乃明見于天至今用之有樂歲五穀豐熟也鉦傳云穫也箋云奄久觀多也教我庶民具女田器終久必多鉦艾勸之也○輔氏曰保介助王耕籍田者介有副意故以爲農官之副○孔氏曰耨耨也柄長尺其耨六寸所以入苗間管子曰一農之事必有一鉦一耨一銚然後成農三者皆田器也○嚴氏曰新墾之田用力尤難故首問之○輔氏曰命他官皆無詩而特命農官則有詩者周人以農事開國故重其事也周家

當時每事皆有成法布在天下況于后稷教民稼穡之事乎群臣百官或有所不知故文命之來咨度也○朱子舊註曰保介者蓋保其君而戒之也鄭氏據月今天子親載耒耜措之于參保御間以爲車右衣甲持兵故曰保介呂氏春秋亦同此文見孟春紀○張氏曰先王深知禮義之本原起于稼穡之際故在農事常首天下之政諸侯助成王祭其歸而戒之者由此故也先王巡四岳較諸侯之善惡其慶始于土地辟田野治其罰始于土地荒蕪田野不治夫惟戒諸侯之事莫急于新畬之勤制諸侯之賞莫先于田

野土地之政則夫先王之意槩可見矣○孫炎曰畚和也疏云畚和柔之意

噫嘻篇

序云春夏祈穀于上帝也箋云月令孟春祈穀于上帝夏則龍見而雩是與朱子曰序誤孔氏曰月令仲夏大雩帝以祈穀實是雩爲祈穀之文但雩以龍見當在孟夏之月爲月令者錯置于仲夏故不引之左傳稱啓蟄而郊龍見而雩此不并引者以傳無祈穀之文○詩說亦曰孟春祈穀于東郊以成王配享之詩○獨斷曰春夏祈穀于上帝之所歌也○傳云噫

嘆也嘻和也成王成是王事也箋云噫嘻有所多大
之聲也假至也噫嘻乎能成周公之功其德已著至
矣謂光被四表格于上下也又能率是主田之吏農
夫使民耕田而種百穀也私傳云民田也言上欲富
其民而讓于下欲民之大發其私田耳終三十里言
各極其望也箋云駿疾也發伐也亦大服事也使民
疾耕發其私田萬耦同時舉也周禮曰凡治野田夫
間有遂遂上有徑十夫有溝溝上有畛百夫有洫洫
上有塗千夫有澮澮上有道萬夫有川川上有路計
此萬夫之地方二十三里少半里也耜廣五寸三耜

爲耦一川之間萬夫故有萬耦耕言三十里者舉其
成數○疏云冬官匠人云一耦之伐伐騷地故云發
伐也言伐者以耜擊伐此地使之發起也王者立田
官三十里分爲一部令一主田之吏主之主田之吏
謂農夫是也○遂人掌邦之野以土地之圖經造縣
鄙形體之法五家爲鄰五鄰爲里五里爲鄣五鄣爲
鄙五鄙爲縣五縣爲遂皆有地域溝樹之使各掌其
政令刑禁以歲時稽其人民而授之田野簡其兵器
教之稼穡○司稼掌巡邦野之稼而辨種稂之種周
知其名與其所宜地以爲法而縣于邑閭巡野觀稼

以十年之上下出欽法掌均萬民之食而周其急而
平其興○周公之作周官也一書之間設官分職其
間爲農事者不一而足或以巡稼穡或以簡稼器趣
其耕耨辨其種類合耦以相助移用以相救行其秩
敘懸其法式又于三歲大比以興其治田之阡亦如
大比之興賢能焉或誅或賞或興或廢無非以爲農
事而已○朱子舊註曰言我之成其王業旣昭假于
爾上帝矣我今率是農夫播其百穀曰爾其大發私
田終三十里而民皆服其耕事萬人畢出而竝耕也
○疏義曰臣工噫嘻非祭祀樂歌而入于頌蓋頌體

也抑豈祈年祈穀之時卽其地以戒農官與况或以此爲幽頌則其列于頌也尤宜矣○農字與由通呂氏春秋管子皆云堯使稷爲由載考錢譜神農幣文農作由乃知農與由通說文無由字

振鷺篇

序云二王之後來助祭也○濮氏曰疑此微子來朝始至而王燕勞之所奏之樂歌也序言二王之後習于傳聞亦不見其來助祭之意○西雍文王之雍也言文王時辟雍學士皆潔白之人也薛君章句○振羽禮記客出以雍徹以振羽卽振鷺○毛氏曰雝澤也○

先儒多謂璧廡在西郊故曰西雝○李氏曰杞之地在陳留宋之地在睢陽其來周也自西徂東故曰西雝○曰亦有斯容曰以永終譽是但以其外而已乎若以其外則吾未十二代之後之賢也有瞽篇我客疾止永觀厥成則以其心矣是心也不以興亡爲忌而樂天安分之心也蓋此容此譽之本也其必微子與○天子有事禘焉有養拜焉二句見左傳僖公二十四年杜註曰天子祭宗廟則歸之禘杞宋來弔喪則拜以謝所謂作賓王家是也○尚書日記云二王之後助祭與虞賓在位不同按經受終于文祖格于

言系考三
藝祖格于文祖此舜代堯守宗廟社稷爲祭主之明文也祖考來格虞賓在位群后德讓正舜祭于廟而丹朱與有事之明徵若謂舜祭其祖考而丹朱在位是與侯服駿奔者同也○李氏曰成王告微子曰與國咸休永世無窮又曰俾我有周無斁皆此意也○通解云此疑獻助祭之臣之樂歌若以爲正祭之樂歌何不一言祭時事而獨拳拳于二代之後○郊特牲曰天子存二代之後猶尊賢也尊賢不過二代而已○崇德象賢統承先王周之忠厚不特見于二王之後也觀武王甫定天下釋箕子囚封比干墓式商

容閭則于先代仁賢罔不垂情者今日杞宋助祭周
庭而周人復爲之賦振鷺其忠厚可謂以世繼世者
矣○樂記曰武王克商未及下車而封黃帝之後于
蓊封帝堯之後于祝封帝舜之後于陳則又豈特二
王之後而已○輔氏曰在彼無惡其心公也在此無
斃其心厚也公則順天厚則盡道如是然後可以夙
夜永終譽也○曹氏曰必存二代之後者所以尊其
先世受命之君俾承祀而不廢且示天下公器又使
時君常以覆車爲鑒耳○史記杞世家云武王求禹
之後得東樓公封之于杞以奉夏后氏之祀

豐年篇

序云秋冬報也○陳氏曰噫嘻祈之于春夏豐年報之于秋冬祈曰上帝而報不言省文也曹氏曰秋冬大享于明堂秋祭四方冬祭八蜡天地百神無所不報而同歌是詩故不言其所祭耳○箋云廩所以藏粢盛之穗也○醴周禮註云猶體也成而上一體滓汁相將也○田祖神農也郊特牲之先嗇是也先農后稷也郊特牲之司嗇是也方社則甫田以社以方是也馬氏曰先嗇者其智足以創物立于其先司嗇者因其成法而謹司其職而已故祭則以先嗇爲

主而以司嗇配之○祭法云能禦大災則祀之能捍
大患則祀之禮記云天子八蜡八伊耆氏始爲蜡蜡
也者索也歲十二月合聚萬物而索饗之也仁之至
義之盡也周人秋冬之報賽也夫亦猶是也乎先妣
以始祖所出者爲重故曰似續妣祖疏義云集傳初
本作穀始登而薦于宗廟之樂歌改本作報賽田事
之樂歌輔氏以初本爲是趙氏以改本爲是經文只
言烝畀祖妣未嘗如甫田有以社以方以御田祖等
語則似難舍經文而用小序之說也不知改本何又
用小序○陳穀曰秭釋文○獨斷曰烝嘗秋冬之所

歌也○禮斗威儀曰君乘木而王則艸木豐茂嘉谷
並生○京氏災異云君賢臣職五穀豐滋○禮稽命
徵云天子登祝天地宗廟六宗五岳得其宜則五谷
豐登○子野占云帝問子野曰吾欲知歲苦樂善惡
可知不子野曰歲豐甘艸先生甘艸薺菜也○物理
論云正月朝四方黃氣其歲大豐此黃帝用事土氣
均和四方並熟○南越志云高興縣多容鷄其形如
雞而五采至則年穰○南海記云程溪浦口有蒲母
養龍斷其尾因名曰龍掘時人見之則境大豐

有瞽篇

序云始作樂而合乎祖也○通解云按樂成謂之合廟器成謂之考宮室成謂之落此古人之字義也○祫祭之禮有二時祭之祫則群廟之主皆升而合食于太祖之廟而毀廟之主不與三年大祫則毀廟之主亦與焉○按宋史神宗元豐五年禮文所謂古者天子祭宗廟有堂事焉有室事焉按禮祝延尸入奧灌之後王乃出迎牲延尸主出于室坐于堂上始祖面南昭在東穆在西乃行朝踐之禮是堂事也設饌于堂入復延主入室始祖東面昭南面穆北面徙堂上之饌于室中乃行饋食之禮是室事也此與陳祥

道禮書合

李輔王制考

○又按宗廟神主祭祀有二疑焉

一則疑天子之后諸侯大夫得與祭乎否也一則疑神主在室及受祭時就置諸地乎否也竊意天子諸侯于各廟月祭或特祭則先王與后先公與夫人同祭猶先王先公生時在小寢燕息時也若祫則出主于堂而后與夫人不與猶生時在路寢治事時也古人席地而坐凡數席之法初在地一重曰筵重在地者曰席其祭享時則設其在室卽西南隅爲奧尊者居之故神主在焉卽置地可也

王制考

○首章有

者始有也始有衆瞽人數亦始有懸瞽等器而樂作

焉樂作以合祖故特曰先祖是聽○聾聵者其神在目不在耳故以之司視而掌火瞽矇者其神在耳不在目故以之司聽而鼓樂傳曰黃帝使神瞽考中聲夏書曰瞽奏鼓禮曰御瞽幾聲之上下○周禮鄭司農注云敕爾瞽率爾眾工奏爾悲誦肅肅雝雝毋怠母凶疏云似逸詩不知何从出○周禮上瞽四十人中瞽百人下瞽百六十人其來大司樂詔之其歌大師帥之相之則在眡瞭焉眡瞭三百人○二章樂記曰聖人作爲鞀鼓控勝丘八反揭反壎篪此六者德音之音也然後鐘磬竽瑟以和之干戚旄狄以舞之此所以祭先王之

言系類三 公羊二二 二五
廟也控揭祝敵也六者皆質素之音故曰德音旣用
質素爲本後用四者華美之音以贊其和旄牛尾狄
翟雉羽文舞所執鞀王制注所以節樂也小師上士
四人掌敎鼓鼗大祭祀登歌擊拊下管擊應鼓徹歌
大饗亦如之瞽矇眡瞭掌播鼗應小鞀也凡大鼓之
側有小鼓謂之應鞀朔鼗禮器廟堂之下縣鼓在西
應鼓在東朔始也先擊朔鼗次擊應鼗乃擊大鼓○
先儒以田爲鞀則朔鼓也以其引鼓則曰鞀以其始
鼓則曰朔儀禮有朔無鞀周禮有鞀無朔名異而實
同也鄭氏以應鞀朔爲三鼓恐未必然○鼓鼗革音

也祝圉木音也簫管竹音也磬石音也○禮記明堂位注曰足謂四足楹謂之柱貫中上出也縣縣之簣虞也○曹氏曰足鼓則以趺承之楹鼓則以柱貫之周鼓始垂于簣虞故謂之懸鼓也○正樂縣之位王宮縣宮縣四面象宮室諸侯軒縣軒縣闕其南避王南面也卿大夫判縣東西之象左右王也士特縣象士特立獨行也○疏義云祝方二尺四寸陰也敵二十七齟齬陽也樂作陽也以陰數成之樂止陰也以陽數成之天地自然之理也聲之所出以虛爲本控以空然後可擊及其止則歸實焉故敵爲伏虎之形

則實而已○三章五代會要周樞密使王樸上疏夫
樂作于人心成聲于物聲氣旣和反感于人心公羊
注王者始起未制作之時取先王之樂與已同者假
以風化天下天下大同乃自作樂王者舞六樂于宗
廟之中舞先王之樂明有法也舞已之樂明有制也
舞四夷之樂大德廣及之也樂之一變爲一成文樂
九成武樂六成周始作樂主大武而已成于六變可
知也記曰武始而北出再成而滅商三成而南四成
而南國是疆五成而分周公左召公右六成復綴以
崇天子○楚辭澹兮忘歸卽永觀厥成之謂也○謝

氏曰舜作樂而曰虞賓在位祖考來格成王合樂而
曰先祖是聽我客戾止以先代之後與先祖竝言尊
之至也書曰崇德象賢統承先王修其禮物非尊其
後尊聖帝明王也

潛篇

序季冬薦春獻鮪也○箋云冬魚之性定春鮪新來
故此時薦之○孔氏曰冬月旣于魚不行孕性定而
肥充則衆魚寒皆可薦春惟獻鮪而已○曹氏曰漆
沮之水上接涇渭下與魚通所以多魚○大戴禮曰
祭鮪祭不必記記鮪何也鮪之至有時美物也鮪者

魚之先至者也而其至有時謹記其時○潛慘也爾
雅曰魚之所息謂之楷音謹楷慘也字林作𩺰音心
○陸氏曰鯉魚之貴者故爾雅釋魚以鯉冠篇而神
農書曰鯉最爲魚之主以上諸魚已經訓釋故註不
復及惟鯉于風雅無所見故獨訓曰白鰭鯉形狹而
長似條性浮若鱗而白也○彭氏曰子孫之祭其先
祖九州之美味莫不畢備然其樂歌必言其所興之
地取其所產之物而薦之者以示不忘本之意○輔
氏曰魚乃澤物之美音謹薦之宗廟以致其孝心焉
今月令但有季冬至薦鹿之文而已季春薦鮓乃序

說也○月今日是月也命漁師始漁天子親往乃嘗
魚先祭寢廟魯語里革云古者大寒降土蟄發冰虞
于是乎講罟罾取名魚而嘗之廟與月令同也○陳
氏曰獵而親殺爲奉祭也則漁而親往亦爲薦先與
○孔疏曰白虎通云王者不親取魚以薦廟故隱五
年公矢魚于棠春秋譏之是也○金華應氏曰嘗者
試而驗之也將薦于所尊故不敢輕也藥必先嘗膳
必品嘗此致敬于君與親也大享帝則嘗犧牲薦寢
廟則嘗魚此致敬于天與親也秋嘗曰嘗亦謂物已
備成嘗而後祭以致其孝也○方慤曰王者之于祖

言系卷之六
二八
禩以人道事之則有寢以神道事之則有廟祭神道
薦人道也

離篇

序曰禩太祖也朱子謂祭法周人禩嚳又曰天子七
廟三昭三穆及太祖之廟而七周之太祖卽后稷也
禩嚳于后稷之廟而以后稷配之所謂禩其祖之所
自出以其祖配之者也祭法又曰周祭文王而春秋
家說三年喪畢致新死者之主于廟亦謂之吉禩是
祖一號而二廟禩一名而二祭也今此序云禩太祖
則宜爲禩嚳于后稷之廟矣而詩詞無及于嚳稷若

以爲吉禘于文王則與序已不協而詩文亦無此意
恐序之誤也此詩但爲武王祭文王而徹俎之詩而
後通用于他廟耳○獨斷亦曰禘太祖之所歌也○
箋云禘大祭也大於四時而小於祫太祖謂文王○
子曰昔者明王之以孝治天下也不敢遺小國之臣
而況於公侯伯子男乎故得萬國之歡心以事其先
王是以天下和平災害不生所謂孝治天下也如此
雖之詩曰於薦廣牡相予肆祀可謂得萬國之歡心
矣于是而知武王之達孝矣○記曰子孫之守宗廟
社稷者其先祖無美而稱之是誣也有善而弗知不

明也知而弗傳不仁也武王祭文王而歷叙文王之德可謂明矣可謂仁矣武王伐紂而作太誓一則曰天矜于民一則曰惟天惠民蓋安民以順天乃文武父子之家法也○曹氏曰安及皇天則陰陽和而風雨時日月光而星辰靜無錯行妄動之變○輔氏曰人爲萬物之靈惟通與知所以盡人之道文武之德所該者甚廣故曰備君之德堯之德廣運亦曰乃武乃文而已○箋云假嘉也宣徧也嘉哉皇考指文王也文王之德乃安我孝子謂受命定其基業也又徧使天下之人有才知以文德武功爲之功故

載見篇

序云諸侯始見乎武王廟也獨斷亦云○朱子曰太祖廟在北昭穆各以次而南廟皆南向群廟之列左爲昭而右爲穆也若武王謂文王爲穆考成王稱武王爲昭考則自其始祔而然蓋但以左右爲昭穆而不以昭穆爲尊卑也○安成劉氏曰后稷爲始封之君其廟居中自二世爲昭三世爲穆遞數至十五世而文王廟次當穆十六世而武王廟次當昭也○彭氏曰諸侯來朝意氣懽悅車服鮮明所謂休有烈光也

有客篇

序云微子來見祖廟也○有客之謂有者尊之也異之也客者對主之稱天子至尊無對茲以無中而稱有不亦尊且異乎庸言○白虎通曰王者有不臣者三二王之后妻之父母夷狄也有暫不臣者五謂祭尸授受之師將帥用兵三老五更也○自後世論之懲管蔡事鮮不疑忌同姓懲武庚事尤少有能善處前代後者周家則不然管蔡敗而竝建親賢以藩屏周者爲益盛武庚敗而建微子于上公其待遇爲益加此周德之爲至也哉尚書○首章傳云亦亦周也

箋云亦亦武庚也武庚爲二王後乘殷之馬乃叛而誅不肖之甚也微子代之亦乘殷之馬獨賢而見尊異故言亦殷而美之其來威儀萋萋苴苴盡心力于其事又選擇衆臣之賢者與之朝王言敦琢者以賢美之○孔氏曰敦琢是治美之名人而言敦琢故爲選擇○毛詩或問云按說文縷帛文貌又傳斐文章相錯也通作萋然則萋卽縷也指文帛而言且說文云苴也几足有二橫一其下地也詩云籩豆有且然則且乃苴帛之具也敦琢其旅云何曰旅者陳也卽左傳庭實旅百之旅敦琢者大雅所謂追琢其章指

玉而言上句言帛下句言玉也○末章箋云追送也于微子去王始言餞送之左右之臣又欲从而安樂之厚之無已傳云淫大威則夷易也箋云既有大則謂用殷正朔行其禮樂如天子也神與之福又甚易也言動作而有度○臨川王氏曰既有淫威則所享宜盛大故降福孔夷也○段氏曰劉氏云有德而神降之福故以降福終焉○輔氏曰既與之以甚大之威儀則其降之以甚大之福祉可知矣○釋方張氏曰自管蔡以武庚祿父叛以周公之聖臨之蓋二年之後克其用力艱故于微子之來見也則告之曰昔

者既有滔威矣如天降威之威謂誅武庚等也細玩
滔威二字殊非佳語而今也降福孔夷蓋逆順之理
如此凡吾之威福非苟焉而已也○或曰微子受封
于宋武王封之歟成王封之歟曰武王封之成王申
命之耳史記世家言周公既承王命誅武庚乃命微
子代殷後奉其先祀作微子之命以申之是也蓋武
王克殷之初下車封微子于宋見于樂記者可考也
及武庚叛成王殺之而湯失其祀矣于是卽微子已
封之宋國建爲上公以主湯祀周書微子之命一篇
乃申命之書非先王未有封至此始封之也凡策命

諸侯必有初封之辭如蔡仲之命乃命之王邦之蔡之類此篇初無此等語也則史記申命之言信不誣矣且武王猶封箕子于朝鮮豈有舍微子不封待成王而後封乎

出通解

武篇

序云奏大武也○詩說曰大武一成之歌○墨子曰武王因先王之樂又自作樂命曰象武○明堂位云象謂周頌武也○呂氏春秋云民反王命周公伐之商人服象爲虐于東夷周公遂以師逐之至于海南乃作三象以嘉其德○淮南子周樂大武三象棘下

○箋云耆老也言年老乃定女之此功不汲汲于誅
紂須假五年○左傳宣十二年楚子曰夫文止戈爲
武武王克商作頌曰載戢干戈又作武其卒章曰耆
定爾功其三曰敷時繹思我徂惟求定其六曰綏萬
邦屢豐年夫武禁暴戢兵保大定功安民和衆豐財
者也故使子孫無忘其章武有七德我無一焉何以
示子孫蓋武王以征誅而得天下人皆知之武王以
不殺而成大功人未之知也古之造字者武欲止旗
欲偃干欲立戈欲倒弓欲弛矢欲入劍欲歛寓意微
矣○按謚法慈惠愛民謚曰文強理勁直謚曰武○

文王之在周也功德最盛故天作頌太王而下及文王武頌武王而上及文王蓋太王之功非文王無以底于成武王之功非文王無以肇其始○樂記孔子與賓牟賈言及武曰夫樂者象成者也總干而山立武王之事也發揚蹈厲太公之志也武亂皆坐周召之治也且夫武始而北出再成而滅商三成而南四成而南國是疆五成而分周公左召公右六成復綴以崇天子可以見武樂只是六成

閔予小子篇

序云嗣王朝于廟也○首章輔氏曰周至成王之時

可謂成矣而曰遭家不造者王業雖成天下雖治而成王之心常若未成未治也如此然後能保其成若自謂已成已治則殆矣○二章陟降庭止傳云庭直也箋云言武王念此君祖文王上以直道事天下以直道治民信無私枉○漢書注言成王常念文王武王之德奉而行之故鬼神上下臨其朝廷○華谷嚴氏曰說者以陟降庭止爲若見文王陟降于庭然下篇紹庭上下其義難通大田旣庭且碩韓奕榦不庭方周官四征弗庭庭古注皆訓爲直庭之爲直見于經多矣不必易也

訪落篇

序云嗣王謀于廟也○箋云成王于廟中與群臣謀我始卽政之事群臣曰當循是明德之考所施行故荅之以謙曰於乎遠哉我于是未有數艾數也言遠不可及也將我就其曲法而行之繼續其業圖我所失分散者收歛之我小子未任統理國家厥難成之事繼又王陟降庭止之道上下群臣之職以次序者美矣我君考能以此道尊安其身謂定天下居天子之位○曹氏曰凡宮室始成則落之故以落爲始○李氏曰人君者天下之本也始卽位臨政者又人君

之本也故伊尹告太甲以嗣王新服厥命惟新厥德
召公亦曰王乃初服此訪落所由作也

敬之篇

序云群臣進戒嗣王也○首節易箋音亦言天去惡
與善其命吉凶不變易也無謂天高高在上遠人而
不畏也天上下其事謂轉運日月施其所行日月瞻
視近在此也○二節傳云光廣也佛大也仔肩克也
學有緝熙于光明箋云且欲學于有光明之光明者
謂賢中之賢也示我顯德行是時自知未能成文武
之功周公始有居攝之志○不聰敬止解頤新語曰

不聞敬天之道也嚴氏曰惟我小子未聞敬之之道
謂群臣所言當敬之事乃天人精微之理今聞所未
聞也又曰佛如字輔謂之佛者言正救其失不專順
从之也學記云其求之也佛佛不順也猶孟子所謂
法家佛士也○荀子曰天子卽位上卿進曰能除患
則爲福中卿進曰先事慮事先患慮患下卿進曰敬
戒無怠群臣進戒始以敬三卿授策終以敬此心學
之原也伊尹訓太甲曰祗厥身召畢告康王曰今王
敬之哉皆以此爲告君第一義○學也者所以疏神
達思怡情理性聖人之上務也民之初載其昧未知

譬如寶在干玄室有所求而不見白日照焉則群物
斯辨矣學者心之白日也又云大樂之成非取乎一
音佳膳之和非取乎一味聖人之德非取乎一道故
曰學者所以總群道也群道統乎已心群言一乎已
口惟所用之故出則元亨處則利貞默則成象語則
成文述千載之上若其一時論殊俗之類若與同室
度幽明之故若見其情原治亂之故若見已效故曰
學有緝熙于光明中論治學篇○學之一字發自傳說說
命篇高宗曰台小子舊學于甘盤說曰學于古訓乃
有獲惟學遜志務時敏厥修乃來允懷于茲道積于

厥躬惟敦學半念終始典于學厥德修罔覺

小忠篇

序云嗣王求助也○傳云莽蜂摩曳也箋云我其劓
艾于往時矣畏慎後復有禍難群臣小人無敢我摩
曳謂爲譎詐誑欺不可信也女如是徒自求辛苦螫
毒耳謂將有刑誅○呂氏曰莫予莽蜂言莫如予之
使蜂自求辛螫謂信管蔡之事也嚴氏曰莫予莽蜂
猶言莫予毒也凡古文莫予莫我之類皆倒提如莫
我肯德莫我知莫予云觀之類皆倒詞也○王肅云
以言才薄莫之藩援則自得辛螫○孫毓云群臣無

肯牽引扶助我則自得辛螫之毒○輔氏曰此詩悔
之極反之至憂之深慮之遠求助之意雖不言而可
見矣○經世紀年武王年九十三而崩成王方十三
歲○疏義云閔予小子之思念文武訪落之專法武
王敬之勉于學問以敬天小毖懲其往事以謹患而
皆有皇皇不及之意焉四篇蓋一時詩也○訪落慎
始也所以處常也小毖謹微也所以處變也

載芟篇

序云春籍田而祈社稷也○首章通解云柞柞其木
子非柞大木也曰芟曰柞每歲春耕皆如此月令曰

燒薶行水利以殺艸如以熱湯可以糞田疇可以美
土疆是也澤澤疏義曰凍塗釋土膏動故解散注疏
曰待其土氣烝達然後耕之其耕則澤澤然土皆解
散也○疏曰隱六年左傳云如農夫之務去艸焉芟
夷蘊崇之是除艸曰芟秋官柞氏掌攻艸木及林麓
是除木曰柞嚴氏曰專言新墾之田者用力尤難故
也然月令孟春曰是月也天氣下降地氣上騰天地
和同艸木萌動王命布農事命田舍東郊皆修封疆
審端徑術善相丘陵阪險原隰土地所宜五穀所植
以教道民必躬親之田事既飭先定準直農乃不惑

信如此則柞之與芟自耕夫所必有者不必皆新墾之田也○二節箋云隰謂新發田也畛謂舊田有徑路者○三節傳云士子弟也箋云婦子來饋饁其農人于田野乃逆而媚愛之依之言愛也言勸其事勞不自苦俶載當作熾菑農人旣耘除艸木根株乃更以利耜熾菑之而後種其種皆成好含生氣○疆以註引遂人以疆予任畛本註云民幼爲弱壯爲強強有餘力及授田之際則予以餘夫之地疏義曰謂之任畛者言以此輩供農民之用也變民言畛異內外也能左右之曰以閒民無常職轉移執事出太宰九

職本注云閒民謂耕閒田者無常職謂不如八者之
有常業也○六節傳云濟濟難也箋云難者穗歟難
進也○新安胡氏曰酒三酒醴五齊祭祀則酒正供
之祭有十倫其禮實繁而皆以酒行之故祭可以洽
百禮○七節箋云饗燕賓客則多得其懽心于國家
有榮譽以椒馨之酒醴祭于祖妣則多得其福右○
疏義云豐盈氣象在于養賢謚法保民者艾曰胡○
李氏曰夫養老之禮自古帝王未始不隆也有虞氏
以燕禮夏后氏以饗禮商人以食禮周人修而兼用
之五十養于鄉六十養于國七十養于學達于諸侯

有虞氏養國老于上庠養庶老于下庠夏后氏養國老于東序養庶老于西序商人養國老于右學養庶老于左學周人養國老于東膠養庶老于虞庠虞庠在國之西郊有虞氏皇而祭深衣而養老夏后氏收而祭燕衣而養老商人舁而祭縞衣而養老周人冕而祭黑衣而養老四代之制雖有改而其道益莫之變也卿大夫之致仕者爲國老士庶人及死事者之父祖爲庶老其餘非賢不可皆養亦引戶校年以行復除八十者一子不从政九十者其家不从政養老之禮有三老焉有五更焉父事三老所以教天下之

爲人子者也兄事五更教天下之爲人弟者也親冕而總干袒而割牲執醬而饋執爵而醕祝鰾在前祝饔在後三公設几九卿正履天子之尊且事他人爲父兄天下之民其孰敢遺其親父兄乎是一舉而孝弟之盡洋洋乎九州外矣○末章箋云饗燕祭祀其心非云且有且謂將有嘉慶禎祥先來見也心非云今而有此今謂嘉慶之事不聞而至也言修德行禮莫不獲報乃古古而如此所由來者久非適今時振亦古也○載芟田間詩耳而敦崇倫屬若在禮法之所侯主以正位一家立宗法也乃次亞旅列支庶

也乃附疆以別親疎也既又媚依夫婦焉烝畀祖妣
焉燕享賓客焉供養耆老焉夫艸野何以得此哉思
文詩曰無此疆爾界陳常于時夏然則固在疆界中
也臆言○伯長也子最長迫近父也適長稱伯庶長
稱孟白虎通

良耜篇

序云秋報社稷也○其饌伊黍箋云豐年之時雖賤
者猶食黍也茶蓼水陸二種田有原隰故並舉水陸
之艸百室者出必共洫間而耕入必共族中而居又
有祭酺合醴之懽也○末章通解云此篇之祭祀以

爲祭宗廟則周人尚騂牡不應特牡也以爲祭田祖
先農方社之屬則四方之神各以其色之宜特特其
一色耳不知其何指也若从朱子初本以爲宗廟樂
歌則周人用騂牡赤黃曰騂黃騂曰黃特者騂之近
色也詩人特變其文如此耳王制云祭天地之牛角
繭栗宗廟之牛角握賓客之牛角尺有桮其角恐是
握也則爲宗廟之祭似可小序以此爲報社稷之詩
孔疏曰社稷用黝牛當以黑而社爲土神又當以黃
故用黃牛黑唇之特毛傳曰社稷之牛角尺謂與賓
客等也皆意之之辭耳○周官牧人掌牧六牲以共

祭祀之牲牲凡陽祀用騂牲毛之陰祀用黝牲毛之望祀各以其方之色牲毛之凡時祀之牲必用牲物凡祭祀共其犧牲以授充人繫之蓋純謂之牲完謂之犧故禮記言毛以告全陽祀南郊及宗廟也陰祀北郊及社稷也望祀四岳瀆也

絲衣篇

序與獨斷皆云繹賓尸也高子曰靈星之尸也

靈星卽龍星

星張晏曰龍星之左角曰天田蓋農祥也晨見而祭之

朱子云序誤高子之言

亦誤○孔氏曰爵弁之服玄衣纁裳皆絲爲之故曰絲衣○曹氏曰餘皆用布惟冕與爵弁服用絲大夫

以上祭服謂之冕士祭服謂之弁○禮器曰天子麻冕朱綠藻垂十有二旒法四時十二月也諸侯九旒大夫七旒士爵弁無旒委貌委貌者委曲有貌也冠色所以爵何周尚赤所以不純赤但如爵頭○疏義曰門側之堂謂之塾疏云廟門外西夾室之堂基也按圖門之中間爲正門左右兩間各爲內外塾一門凡四塾外塾南向內塾北向塾前之地爲基此蓋門內西塾前之基地卽堂下之南隅與西階相直處也○安成劉氏曰儀禮士之前祭一日夕時王人及賓皆入分立堂下東西宗人升自西階視壺濯于堂上

東序視豆籩鉶于房東視几席及敦于西廂反降而告祭器之濯漑几席之備具于是賓主皆出卽位于門東西鼎在門外北面上牲在鼎西南北首東足東上宗人往視牲反位告其充肥遁舉簾告鼎之潔其禮亦若此詩之次也○孔氏曰堂基但言所往之處不言所爲之事羊牛但言所祀之物不言所往之處互相足也○禹鼎及鬻不言自徂蒙上自徂之文也○疏義云頌無飲酒之詩而儀禮特牲祭之前夕宗人視濯視牲厥明乃祭賓三獻尸之後主人遂獻賓及宗人宗人卽前視牲視濯者此諸侯士之祭也豈

天子宗廟之祭則以烈文視顯相以綵衣獻視牲視濯者與此若可以類推矣○通解云鼎一也而有鴈與鬯之不同何曰鼎口在上以象有所安乎上足在下以象有所立乎下大者爲鼎以象氣之所仍揜者爲鬯以象才之所任足奇其數參乎天也耳偶其數兩乎地也故曰量鼎得其象○左傳寧子曰古之爲享食也以觀威儀省禍福也故詩曰兕觥其侏卣酒思柔彼交匪敖萬福來求

酌篇

序云告成大武也言能酌先祖之道以養天下也○

朱子謂詩中無酌字未見酌先祖之道以養天下之意○詩說曰爲大武之五成○或曰朱子未嘗明訓師字爲師法其曰武王之事是師者謂武王从事于是師也事如臨事而懼之事師如於鑠王師之師此乃毛鄭本意也箋云介助也嚴氏曰於乎盛哉武王之師也其初有衆而不用退自循養與時偕晦非有心于得天下也旣而時大熙明天下之人無不助之武王乃不得已而寵受之于是矯矯然威武以興事造業是用嗣續以傳之後世實由武王之至公是以信服于衆也順天之心者公也信者公之洽嗣者

信之固也○通解云此以酌名詩酌與勺同于此詩之義無取故予朱子以爲節樂之名如曰武宿夜云或者不知此遂以爲武王行師能酌其時故名爲酌非是然漢書禮樂志周公作勺勺言能酌先祖之道也亦是一說但今說此詩者不可以酌字認當玩子朱子酌卽勺也以下云云○建安何氏曰勺簫也簫舞文舞也○孔氏云簫舞不用兵器以其尚幼故習小舞也賈氏云詩爲樂章與舞人爲節故以詩爲舞也○內則十三舞勺注先學勺後學象文武之次也○左傳象簡南簫注皆文王之樂○傳曰武有七德

禁暴戢兵保大定功安民和衆豐財者也酌之詩其事則武其道則養天下武本毒天下反以養天下者安民和衆豐財而已今夫勺水爲勺酌酒爲酌則酌也者有挹而損之之道焉

桓篇

序云講武類禡也桓武志也○左傳武王作武其六曰桓○獨斷曰師祭講武類禡之所歌也○天命匪懈箋云天命爲善不解倦者以爲天子我桓桓有威武之武王則能安有天下之事保安也士事也此言其當天意也于是用武事于四方能定其家先王之

詩經集傳卷之四 公羊傳
業遂有天下於明乎天也紂爲天下之君但由爲惡
天以武王伐之

賚篇

序云大封于廟也賚予也言所以錫予善人也○左
傳曰武王作武其三曰賚○詩說曰爲大武之二成
○通解云按左傳曰武王克商作頌云云朱子曰於
皇章有武王謚桓章有武王謚傳以爲武王時作者
誤蓋以爲不應生前稱謚也則此詩無武王謚而傳
以爲武王時作似也疏義反有未必然之疑何哉愚
故曰賚詩無武王字以爲大武三章猶可桓詩有太

武字而以爲大武之六章則未必然也○上篇非武王講武類禡之作但後世講武類禡者取此詩武之義而歌之此篇非武王大封于廟之作但後世大封于廟者取此詩封之義而歌之

般

序云巡守而祀四岳河海也○傳云高山四嶽也墮山山之墮墮小者也翕合也箋云皇君喬高猶圖也於乎美哉君是周邦而巡守其所至則登其高山而祭之望秩于山川小山及高嶽皆信案山川之圖而次序祭之河言合者河自大陸之北敷爲九祭者合

爲一袞袞對配也徧天之下袞山川之神皆如是配而祭之是周之所以受天命而王也○王制天子巡狩柴而望祀山川覲諸侯周禮大宗伯以吉禮事邦國之鬼神示以賓禮親邦國書舜典所載詩時邁般所頌皆先王之良法美意承天命而荅人心也後世若作鄜時祠陳寶封太山禪梁父治粉榆社立靈星祠如司馬遷封禪書之所備者嗚呼先王之意荒矣○鄭氏曰般樂也蘇氏曰般遊也今考詩中無此意姑闕之曹氏曰說文云般旋也象舟之旋从舟从殳殳所以旋也今名篇曰般取盤旋之義巡狩而徧乎

四嶽所謂盤旋也○詩說曰爲大武之四成○孔氏
曰諸書皆以岱衡華恒爲四嶽爾雅釋山岱泰衡霍
二文不同一山而二名也曹氏曰言四岳而不及嵩
高者嵩在王畿內故也岱在今襲慶奉符縣衡在潭
州湘潭縣華在華州華陰縣恒在中山府曲陽縣○
蔡氏曰九河漢世近古止得其三唐人集累世積傳
之語遂得其六歐陽忞輿地記又得其一或新河而
載以舊名或一地而互爲兩說皆似是而非無所依
據漢王橫言昔天嘗連雨東北風海水溢西南出浸
數百里九河之地已爲海水所浸酈道元亦謂九河

詩經卷之六
公羊傳卷之六
碣石苞淪于海後世儒者知求九河于平地而不知
碣石有無以爲之證故前後異說

魯頌

譜曰僖公當周惠襄王時而遵伯禽之法養四種之
馬牧于垺野尊賢養士修泮宮崇禮教十六年會諸
侯于淮上東畧公遂伐淮夷二十年新作南門又修
姜嫄之廟至于復魯舊制未遍而薨國人美其功季
孫行父請命于周而作其頌文王十三年太室屋壞
初成王以周公有太平制典法之勲命魯郊祭天三
望如天子之禮故孔子錄其詩之頌同于王者之後

問者曰列國作詩未有請于周者行父請之何也曰
周尊魯巡狩述職不陳其詩至于臣頌君功則樂周
室之聞是以行父請焉周之不陳其詩者爲憂耳其
有大罪侯伯監之行人書之亦示覺焉○通解云夫
頌以告神明者也而後世有生人之頌其弊遠矣商
周之頌其體純魯則變焉未祭而擬其歌其寃不亦
諛乎今考清廟之詩凡三十有一其言祭祀者八如
敬之小慈振鷺臣工之屬蓋皆作之于廟也魯之頌
雖不皆于祀乎用之而其節奏必皆依頌成聲故得
齒于商周而無嫌故曰夫子自衛反魯然後樂正雅

頌各得其所夫雅頌得于樂正之後非樂而何其審
聲以配樂而不徒作也明矣以魯而厠商周是猶秦
穆之誓上同湯武文侯之命參配傳說

駟篇

序頌僖公也僖公能遵伯禽之法儉以足用寬以愛
民務農重穀牧于墀野魯人尊之于是季孫行父請
命于周而史克作是頌○詩說曰史克美僖公考牧
之詩賦也○左傳曰魯莊公新作延廐凡馬日中而
出日中而入中分也春秋分內之然則魯馬蕃盛自莊公
始也○孔子曰魯衛之政兄弟也蓋憫其衰亂之相

似也夫憫其衰亂之相似則豈不喜其興復之相伴乎是故魯之駟牡揚于頌衛之駮牡褒于風○思馬斯徂甚言神効之速如所謂綏之斯來等語○黃氏云僖公于十二公中見稱賢君者也然世之稱其賢者以詩有僖公之頌而穀梁釋春秋書不雨爲公之閔雨書雨爲公之喜雨也然頌乃臣子頌禱之詞皆無其實春秋書雨書不雨者特以其閔民事而書後之讀春秋者因詩有頌以賢僖公而意其爲閔雨喜雨耳亦豈有其實也哉若其城項伐邾取須句取訾婁取濟西田以楚伐齊及夫人姜氏會齊侯于陽谷

皆其不賢之實而始僭禮卜郊又不賢之大者也詩人反以郊爲誇尚可以詩頌爲據而意春秋之書雨書不雨爲褒也耶木訥趙氏以詩頌其美而春秋載其失也折衷而爲之說曰僖公中材庸主也其先任公子友則賢其後任公子遂則否天下有伯主則僖有以自固中國無伯主則僖無以自立方齊威之伯也服強楚定王室僖嘗與其功及宋襄之敗也楚人盟于齊盟于薄公亦無與其辱方晉文之未興也僖以楚師伐齊爲楚人戍衛實蒙惡名及晉文之旣興也兩會諸侯兩朝王所亦獲善譽初任公子友也敗

莒于鄆以責保慶父之罪如齊蒞盟以求與伐楚之
功友之如齊以修事伯主之禮此雖出于友僖實享
其榮終之任公子遂也乞師于楚以伐鄰國帥師入
杞以虐小邦如京師而遂如晉則不忠于周既取邑
而又伐鄰則納君于惡此雖出于遂而公實蒙其罪
因是知僖公爲中人也其他閨門不肅而夫人會齊
侯于卞季姬遇鄆于防曲禮不經而用禘致夫人
免牲猶三望此又中人之德性有所不至智有所不
及者也

有駸篇

序云頌僖公君臣之有道也○詩說曰燕飲而頌禱之詞興也○傳云馬肥強則能升高進遠臣強力則能安國箋云此喻僖公之用臣必先致其祿食祿食足而臣莫不盡其忠夙早也言時臣憂念君事早起夜寐在于公之所但明義明德也振鷺傳以喻潔白之士箋云僖公之時君臣無事則相與明義明德潔白之士群集于君之朝君以禮樂與之飲酒以鼓節之咽咽然至于無筭爵則又舞燕樂以盡其歡君臣于是則皆喜樂也○桂山曹氏云辨治不專在燕上古明君賢臣未嘗一日而忘治如太宗丹霄之燕相

與辯論者非治道乎夫酌大斗以相酬稱兕觥而交錯雖云恩意之優渥也而爲治之法初不遺于醉飽之餘豈嗜酒以爲樂哉○二章傳云臣有餘敬而君有餘惠故云夙夜在公在公飲酒○隋樂志云古之君子悲周道之衰頌聲之輟飾鼓以鷺存其風流○鼓制有棲翔鷺于上者不知何代所加或曰鵠也取其聲揚而遠聞或曰鷺鼓精也越王勾踐擊大鼓于雷門以厭吳晉時移于建康有雙鷺吮鼓而飛入雲或曰皆非也鷺以飾鼓耳

泮水篇

序云頌僖公能修泮宮也朱子謂此亦燕飲落成之詩不爲頌其能修也安成劉氏曰亦若斯干之詩也○子貢古詩編次曰僖公獻捷于魯太廟史克爲之賦泮水○詩說曰僖公作泮宮而落其成太史克頌禱之詞○首章箋云泮之言半也半水者蓋東西門以南通水北無也傳云言觀其旂法則其文章也棧棧言有法度也○曹氏曰學校乃禮義之所先樂莫踰于此也我則樂斯泮水而薄采其芹掇拾之間無非懽忻之所發也○疏義云此在泮水見魯侯之來故首陳其事而就用采芹觀旂爲相應之語也○黃

氏曰魯人非樂乎泮大也樂乎僖公之賢而人才所
賴以長育成就也觀其所則樂其筏筏聞其鸞則樂
其噦噦見其馬則樂其躑躑人之樂之也如此僖公
何以得此于魯人哉載色載笑卽之也溫匪怒伊教
循循善誘僖公之育才可見矣○通解云春秋孔子
所作書其君曰公此詩魯人所作而自稱其君爲魯
侯者以其君之美可爲四方則且因請王而作遂爲
外人之辭以示僖公之德非獨魯人所頌也○三章
箋云在泮飲酒者徵先生君子與之行飲酒之禮而
因以謀事也順从長遠屈治醜惡也是時淮夷畔逆

既謀之于泮宮則从彼遠道往伐之治此群爲惡之人一云屈收也收歛得此歟聚○書穆王命君牙曰爾身克正罔敢弗正禮孔子告哀公曰君之所爲百姓之所从也順長道群醜有不服乎○四章箋云僖公信文矣爲修泮宮也信武矣爲伐淮夷也昭明假至也其聰明乃至于美祖之德謂遵伯禽之法自是國人無不法倣之而孝者庶幾力行自求福祿○五章通解云僖公二十年春秋書曰春新作南門胡傳曰春秋凡用民力得其時制者猶書于策以見勞民爲重事而况輕用于所不當爲者乎然僖公嘗修泮

宮復闕宮矣奚斯董其役史克頌其事而經不書者
宮廟以事其祖考學校以教國之子弟二者爲國之
先務雖用民力不可廢也其垂教之意深矣○魯自
桓莊以來學校廢弛或昧僖伯之諫而觀魚于棠或
逆孟春之令而遠狩于郎或拒曹劌之言而觀社于
齊否則又將爲焚丘築臺之樂耳求其能涖學設教
者無人也詩人所頌豈無見哉○王制曰古者將出
征類乎上帝宜乎社造乎禰禱于所征之地受命于
祖受成于學決其謀也○書舜典帝曰臯陶蠻夷猾
夏寇賊奸宄汝作士五刑有服五服三就五流有宅

五宅三居惟明克允此臯陶之淑問也○六章烝烝皇皇傳云烝烝厚也皇皇美也箋云烝烝猶進進也皇皇當作晔晔猶往往也言多士之于伐淮夷皆勸之有進進往往之心不謹譁不大聲僖公還在泮宮又無以爭訟之事告于治訟之官者皆自獻其功○豐城朱氏曰徂茲淮夷徐戎並興見于費誓之書則淮夷之爲魯患自伯禽受封之初已然矣○後漢東夷傳秦并六國淮西夷皆散爲民戶○三山李氏曰人心可謂廣矣惟爲血氣所使一有毫髮之利則忿而爭其心于是乎隘矣○七章孔氏曰荀卿論兵操

十二石之弩負矢五十箇是一弩用五十矢大司寇云入東矢于朝注古者一弓百矢與書及左傳所言賜諸侯彤弓一彤矢百故又謂東矢當百箇○孔淑不逆箋謂其士卒甚順軍法而善無有爲逆者謂堙井刊木之類○末章尹和靖曰周原膺膺董荼如飴美土可以變惡味食我粢稊懷我好音美味可以變惡聲○黃氏震曰淮夷固魯積患也僖公僅嘗从齊桓公會諸侯于淮反因此見止于齊明年乃得歸可羞之甚者也魯臣反作詩誇大其功雖曰祈願之辭然亦魯之所以不競與

闕宮篇

序云頌僖公能復周公之宇也○朱子謂此詩言莊公之子又言新廟奕奕則爲僖公修廟之詩明矣但詩所謂復周公之宇者祝其復周公之土宇耳非謂其能修周公之屋宇也○詩說曰僖公新作后稷文王之廟于太廟世室及孝惠桓莊四親廟之上而史克作詩頌之非孔子所錄也十一章皆賦也○嚴氏曰闕宮止爲僖公能修寢廟張大其事而爲頌禱之辭猶斯干之意耳○首章傳云闕閉也先妣姜嫄之廟在周常閉而無事孟仲子曰是媒宮也○箋云闕

神也姜嫄神所依故廟曰神宮實實傳云廣大也枚
枚釋文云閒暇無人之貌植釋釋文云植長稼也稭
幼稼也○孔氏曰重稭植稭生熟早晚之異非穀名
○實實枚枚朱註實實鞏固也與易鞏用黃牛之鞏
革字同枚枚礱密也是用晉語斷其椽而礱之加密
石焉句中字趙文子爲室斷其椽而礱之張老曰天子之室斷其椽而礱之加密石焉諸侯礱之大夫斷之士首之○生民述姜嫄生后稷而不一及其德
此缺典也此云赫赫姜嫄其德不回賴此一言以見
周民之始生于德○二章翦商說文作實始戡商解
云福也謂太王實始受福于商也不知後世何以改

作翦克咸厥功箋云武王克殷而治商之臣民使得
其所能同其功于先祖也咸同也后稷太王文王亦
周公之祖考也伐紂周公與焉故述之以美魯○輔
氏曰無貳無虞上帝臨女一有二心他虞則便與天
爲二不足以致天之屈矣敦商之旅皆君臣上下一
德一心之功○語錄問文王更在十三四年將終事
紂乎抑爲武王牧野之舉乎曰看文亦不是安坐不
做事底人如詩中言文王受命有此武功等語則武
功都是文王做來詩言武王伐功却少但卒其伐功
耳文王一時氣象如此度必不能竟休了一似果實

文王待他十分黃熟自落下來武王却似生拍破一般○明堂位曰成王以周公有勲勞于天下是以封周公于曲阜地方七百里革車十乘唐孔氏以周大國不過百里云七百里者監七百里之諸侯耳王氏曰言國則百里并附庸則不止○安成劉氏曰周室封建法當以武成分土惟三者爲正方百里者積田萬井萬井之地以開方之法通筭實占地三百萬里此蓋班祿之制所謂錫之土田者也地雖有山川相間廣狹不齊而制田之多寬自若故其山川城郭宮室塗巷皆在百里田制之外所謂錫之附庸者亦在

百里田制之外是魯之疆域固不止百里矣然作明堂位者遽妄爲七百里之說孔氏乃附會之以爲封魯五百里之上加以九同七同五同三同四等附庸共爲方百里者三十四并魯之百里者二十五積四十九同開方之得七百里其說恐難信也○三章曹氏曰司常言日月爲常王建之六龍爲旂諸侯建之僖公雖僭郊禮而猶以龍旂承祀不敢全僭天子禮也明堂位乃曰魯公乘大路載弧韜旂十有二旒日月之常祀帝于郊則過矣○左傳文二年大事于太廟躋僖公逆祀也于是夏父弗忌爲宗伯尊僖公且

明見曰吾見新鬼大故鬼小先大後小順也躋聖賢
明也明順禮也君子以爲失禮禮無不順祀國之大
事也而逆之可謂禮乎○四章周官封人凡祭祀飾
其牛牲設其福衡置其綏毛氏曰福持牛也綏著牛
鼻以牽者蓋福衡以木爲之橫設于角則福幅其角
猶射以福幅其矢也綏則祭統所謂綏也郊特牲曰
帝牛不吉以爲稷牛稷牛惟具牛人凡祭祀共其享
牛求牛以授職人而芻之享牛謂所以祭者也求終
也終事之牛謂所以繹之也大祭祀之牛授之克人
祀五帝則繫于牢芻之三月享先王亦如之肆師大

祭祀展犧牲繫于牢是也散祭祀之牛授之司門充人凡散祭祀之牛繫于國門使人養之司門祭祀之牛牲繫焉監門養之是也○孔氏曰福設于角衡設于鼻○公羊傳云周公用白牡魯公用騂剛群公不毛不毛不純色也白牡謂白特騂剛亦特也○毛魚封人曰毛魚之豚註爛去其毛而魚之以備八珍也歲切肉曲禮曰凡進食之禮左殺右裁注肉帶骨曰殺純肉切曰裁○三壽晉姜鼎銘曰保其子孫三壽是利魯頌三壽作朋蓋古語也先儒以爲三卿恐非○書尚猷詢茲黃髮則罔所愆老成之足爲國久矣

僖公相季友任文仲而治業冠諸國然則此詩所頌其季友也夫其文仲也夫○太史公曰成王作頌推已懲艾悲彼家難至魯始爲溢美之言所謂善頌善禱非商周之體也○春秋疏魯禘祭用四代樂則天子禘用六代樂也鄭康成義以爲祫大禘小天子祫用六代之樂禘用四代之樂○疏周公廟得用天子之禮群公則用諸侯之樂謂時王所制之樂大武是也○魯爲季札舞四代之樂知四代樂魯皆有之○釋異曰魯不舞雲門咸池樂有隆殺也○五章藺矛夷矛特因長短而取名耳矛用以勾則宜長于戟然

後有及故酋矛長二丈夷矛長二丈四尺酋言就也
近而就之也矛以長爲主而就之故曰酋矛夷言傷
也以夷矛極長勾則有及而傷物爲易故曰傷矛此
矛之辨也○伐戎狄經無明文惟十年書齊侯許男
伐北戎其時蓋魯使人助之歟○春秋僖四年書曰
春王正月公會齊侯宋公陳侯鄭伯許男曹伯侵蔡
蔡潰遂伐楚次于陘○黃氏曰抄曰齊桓公時夷狄
外橫中國不絕如綫齊桓攘夷帖荊而中國免于左
衽功亦大矣凡从其役者皆預其功詩人所爲頌僖
公也○六章魯邦所磨磨至也謂太山魯之邦境所

至也箋云來同爲同盟也率从相率从于中國也○
孔疏泰山在齊魯之界其陽則魯其陰則齊二國皆
以爲望也○春秋書公會戎于潛胡傳曰書會戎譏
之也若作同來會盟則魯人所以願僖公者反所以
譏僖公矣○闕宮近諛然有雖頌而實規者如魯邦
是常規守國也三壽作朋規敬老也眉壽無有害規
保身也淮夷來同規馭遠也居常與許規其變故業
也宜大夫庶士規其禮群臣也是卽卷阿風諫之義
○通解或問曰此詩之頌僖公拳拳于壽考不一而
足何也曰可以見詩人之情也入春秋以來隱及于

鍾巫桓乘于彭生般賊于圉犖閔戕于卜斷弑逆踵繼其來甚矣國人飲恨尚未舒也故此詩拳拳以壽考爲言所望僖公者無非欲其戒覆車耳或者乃謂魯欲夸詡專以諛辭溢美例之抑知其忠君愛國之意溢言表者終不得泯邪厥後僖公在位三十三年而春秋書曰乙巳公薨于小寢則詩未爲無所助也會于卞以釋齊人之討聲姜之賢也禘于廟以享夫人之尊成風之壽也○新廟疏義曰此或謂姜嫄廟或謂閔公廟或又以爲僖公廟但曰姜嫄廟則不當及太王以下曰閔公廟則不當及周公皇祖以上曰

僖公廟則詩正爲公祝頌之僖固未薨也朱子初說以爲魯之群廟似矣而周公皇祖以上又有帝與稷則又可疑故但以爲僖公所修之廟也然因祭群公而推本所自來則謂之群廟亦可○閔公二年公子慶父出奔莒左傳曰成季以僖公適邾共仲奔莒乃入立之以賂求共仲于莒莒人歸之及密使公子魚請不許哭而往共仲曰奚斯之聲也乃縊此詩之奚斯卽此人也蓋名魚而字奚斯○廬陵李氏曰僖公在位三十三年實爲魯之賢君當其初歲內用公子友臧文仲外則堅事齊桓故能去慶父之奸蠹使魯

國見危而後安自十七年以前除徐从齊會盟征伐
外魯事之見經者正少觀詩之所頌雖一時夸大之
辭有過其實然禮樂政事之修明君臣上下之協洽
槩可想矣但盟檉未返遽有邾師之敗葵丘稍息遽
肆陽谷之樂則公豈真能以禮信輔齊邢厥後宋襄
繼起雖其伯事有不从以得魯然與其南向以从楚
孰若尊獎先代協贊姻鄰以爲中國之重乃乞師蠻
荆導之以伐齊宋其失大矣蓋自十六年季友卒後
臧文仲之竊位公子遂之專權如臧項會楚之失備
見于經向非晉文肇造一戰勝齊則中原左袵之禍

僖公得道其責哉先儒曰棄夏盟而卽楚則有从狄之非先晉獻而後周則無敬君之節須句之功不足掩井陘之辱取穀之師不足洗至鄆之陋此僖之不得全爲賢侯也况季友受費而季孫氏始公孫茲帥師而叔孫氏始公孫敖帥師而孟孫氏始三桓之基皆肇于僖公之編則僖公亦魯功之首罪之魁哉○補傳云商周二頌皆以告神而魯頌用以頌禱後世文人獻頌特效魯耳臨川王氏曰周頌之辭約約所以爲嚴盛德故也魯頌之辭侈侈所以爲夸德不足故也

商頌

那篇

序云祀成湯也微子至于戴公其間禮樂廢壞有正
考父者得商頌十二篇于周之太師以那爲首○禮
記曰鼓無當于五聲五聲不得則不和是樂之所成
在于鼓也○陳氏曰聖人作革以爲鞀鼓而鼗所以
兆奏鼓播鼗而鼓从之中聲以發焉○正北之坎爲
革則鼓爲冬至之音而貝之以啓蟄之其聲象雷
其形象天其于樂象君五聲非鼓不和其制始于伊
耆氏之土鼓備于夏后氏之足鼓商人貫之以柱曰

楹鼓周官以太僕建路鼓于大寢門之外儀禮大射
建鼓在阼階西南鼓則其所建楹鼓爲一楹四稜焉
貫鼓于其端猶四植之桓圭也莊子曰負建鼓可負
必以楹貫而置之矣○八音以磬爲主猶八卦以乾
爲主故磬音出于乾蓋乾位西北而天屈之以爲無
有曲折之形焉所以立辨也故方有西有北時有秋
有冬物有金有玉分有貴有賤位有上有下而親疎
長幼之理皆辨于此矣古人論磬嘗謂有貴賤焉有
親疎焉有長幼焉三者行然後萬物成天下樂之○
疏義曰鼓爲衆音之主管則樂之小者舉此二者餘

樂在其中矣又曰聲歌下管其音難諧而入音之中
磬尤難諧堂下之樂與堂上之磬聲相諧如此可謂
美矣○國語聲應相保曰和細大不踰曰平○舞所
以節八音八音克諧然後樂成焉故舞必以八人爲
列○祭義禘有樂而嘗無樂疏云春夏陽來似神之
來故祭有樂秋冬陰象神之去故無樂然周禮四時
之祭皆有樂殷蒸嘗之祭亦有樂此詩具見○安成
劉氏曰周制宗廟九獻之次尸未入前王裸于奧以
降神一獻也后亞裸二獻也尸入薦血腥後王酌泛
齊獻尸所謂朝踐三獻也后酌醴齊亞獻亦爲朝踐

四獻也薦熟畢王酌盞齊獻尸五獻也后酌緹齊亞獻六獻也皆所謂饋獻也尸乃食訖王更酌朝踐之泛齊以醕尸所謂朝獻七獻也后更酌饋獻之緹齊以亞醕所謂再獻八獻也又有諸臣爲賓者之一獻凡九也若商之九獻則未有考○周之先代之後以振鷺有客二篇形容盛德那惟曰我有嘉客一嘉字儘括彼二篇大意○周人祭武王以酌桓賚般諸篇備言其功商人祭湯不言其功而但稱曰烈夫周雖諸篇而所述者有盡商止一烈字而所該者無窮豈武之功故不及商之難名與或商之詩質不若周之

言解卷之六 公羊三 六二
文與抑湯之功具于別詩而亡之也

烈祖篇

序云祀中宗也朱子謂此詩未見其爲祀中宗而末言湯孫則祭湯之詩耳序但不欲連篇重出又以中宗商之賢君不欲遺之也○首章箋云嗟乎我功烈之祖成湯既有此王天下之常福秩常也天又重賜之以無竟界之期其福乃及女之此所女中宗也○安成劉氏曰頌詩所以美盛德告成功而皆自歌工以導達主祭者之意也歌工自己身而指主祭者則曰爾自先祖之身而指主祭者則曰湯孫自主祭者

之身而言則曰我曰予立言雖殊所指之人則一如
周頌雖詩稱天子則自歌工而指主祭者矣下文又
稱孝子亦若此詩稱湯孫也○嚴氏曰言烈祖而云
嗟嗟以簡朴故也若周頌則曰於穆於皇近于文矣
○二章傳云戒至醢總假大也總大無言無爭也○
箋云和羹者五味調腥熟得節食之而人性安和喻
諸侯有和順之德也我既裸獻神靈來至亦復由有
和順之諸侯來助祭也其在廟中既恭肅敬戒矣既
齊立平列矣至于設薦進俎又總升堂而齊一皆服
其職勸其事寂然無言語者無爭訟者此由其心平

性和神靈用之故安我以壽考之福焉

玄鳥篇

序云祀高宗也○箋云祀當爲祫祫合也○詩說曰此亦禘祀之詩○首章史記曰契封商湯居亳至盤庚改亳爲殷朱傳曰殷土名契未嘗宅殷也鄭箋云自契至湯八遷始居亳之殷地而受命國日以廣大芒芒然○補傳曰商因地有商山殷之得名以潑水○殷姓子氏正謂祖以玄鳥子生也○二章九有易氏曰殷人九州之制不見于經傳是以後世莫詳焉爾雅云兩河間曰冀州河南曰豫州河西曰雒州漢

南曰荊州江南曰楊州濟河間曰兖州濟東曰徐州
燕曰幽州齊曰營州其九州之名與夫疆域所至與
舜典異又與禹貢異後世皆莫得其說先儒以爲殷
制其說誠然由今考之有舜之幽營徐而無舜之青
梁并是青入于徐梁入于雍并入于冀也旣分禹貢
冀州之境而復舜之幽州又併青于徐而復舜之營
州殷之九州燦然可考而其山川道里亦以類舉至
周人則又分冀爲并而併營于幽復禹之青州而省
徐以入于青孔氏曰爾雅九州之名孫炎以與禹貢
不同于周禮又異故疑爲殷制亦無明文地理志云

殷因于夏無所變改王制注殷湯更制中國方三千里之界分爲九州而建千七百七十三國○三章通解云朱傳曰武王湯號而其後世亦因以自稱也則知此襲號者泛指武丁之子孫而非專指武丁矣或者謂高宗之外無復賢君不知三宗之外又有祖甲也見考索覲禮曰侯氏裨冕乘墨車載龍旂弧韜乃朝但此重大禘上○釋文大禘大祭也○四章邦畿王制注縣內夏時天子所居州界名也殷周曰畿唐虞稱服周禮大司馬九畿方千里曰國畿職方氏九服方千里曰王畿易氏曰禹之五服王畿在內職方

氏王畿不在九服之內漢志殷周因井田而制軍賦
地方一里爲井井十爲通通十爲成成方十里十成
爲終十終爲同同方百里同十爲封封十爲畿畿方
千里王氏曰畿言其有界畫服言其服王事○末章
括地志宋州北五十里大蒙城爲景亳湯所盟地因
景山而名○嚴氏曰自湯至盤庚五遷亳蹕皆在河
南相耿皆在河北自盤庚傳三世至武丁又傳四世
至庚丁之子武乙始去亳从河北此詩言河正謂亳
也○殷受命咸宜殷者中也謂明當爲中和之道也
白虎通○傳云景大員均也箋員古文作云河之言何

也天下既蒙王之政令皆得其所而來朝覲貢獻其至也祁祁衆多其所貢于殷大至所云維言何乎言殷王之受命皆其宜也百祿是何謂當擔負天之多福

長發篇

序云大禘也朱子謂疑見本篇今按逸禮禘于太廟之禮日用丁亥毀廟之主皆升合食于太祖而立二尸太祖契也其所自出則帝嚳也前期迎嚳主于郊丘石室謂郊媒之室有二主嚳及簡狄也嚳與契二主故二尸也禘之日簡狄配神媒祭焉○首章幅幘

自直方言之曰幅周圍言曰幘曹氏曰猶言廣輪○
有娥呂氏曰春秋有娥氏有佚女爲九成之臺淮南
子曰有娥在不周之北朱氏曰恐不應絕遠如此史
記桀敗于有娥之墟當在蒲州今河中府○二章傳
云桓大撥治也○箋云承黑帝而立子故謂契爲玄
王遂猶徧也發行也玄王廣大其政治始堯封之商
爲小國舜之末年乃益其土地爲大國皆能達其政
令使其民循禮不得踰越乃徧省視之教令則盡行
也相土居夏后之世承契之業入爲王官之伯出長
諸侯其盛武之威烈烈然四海之外率服截爾整齊

○國語玄王勤商十四世而興玄王爲契明矣又云
昔我先王后稷先王不窋商頌亦以契爲玄王是其
爲王之祖故呼王非號王也○廬陵歐陽氏曰書稱
格王寧王蓋古人往往以美稱加王爾玄者深微之
稱老氏言玄之又玄是也不必爲黑也○鄭曉古言
云玄王湯也追王始于周契不得稱王此亦太泥○
通解云契居商昭明居厖石相土居商丘湯居亳殷
未有謚詩稱契曰玄王湯曰武王書稱周武王曰寧
王又曰寧老皆各以德言之非謚也至周太公始制
謚法文王謚文武王謚武玄王之時方命圮族者在

朝重華協帝者未舉鵠義奸宄之可憂奪攘矯虔之
溢目一旦玄王受司徒之職而以身先之不數年至
于庶尹克諧四方風動身教之足化人如此○三章
疏義云既當此時而得天人會合之機又有此敬以
致天人交與之妙宜受天命而立人極也○聖敬聖
之一字三百十一篇前後商周兩代帝王如彼其盛
而稱聖者惟一若是乎非可濫稱也○四章箋云競
逐也不逐不與人爭○六章箋云苞豐也天豐大先
三正之後世謂居以大國行天子之禮樂然而無有
能以德自遂達于天者故天下歸鄉湯九州齊一截

然○韋顧昆吾鄭語祝融後○孔疏云昆吾以乙卯
日與桀同誅○末章箋云中世謂相土也震猶威也
相土始有征伐之威以爲子孫討惡之業湯遵而興
之信也天命而予之下予之卿士謂生賢佐也春秋
傳曰畏吾之震師徒撓敗

殷武篇

序云祀高宗也○詩說曰帝乙之世武丁親盡當祧
以其中興功高存而不毀特新其廟稱爲高宗而祀
之○首章孔氏曰周有天下始封熊鬻爲楚子武丁
時不知楚君爲何人補傳曰或者謂周成王始封熊

鬻于荊至周惠王時魯僖公元年始有楚號遂疑商
時未有荊楚乃欲假此以實韓氏宋襄公之說不思
荊自帝嚳九州已有荊州之名至禹貢分荊州之荊
也詩人以有二荊故以荊楚別荊岐耳孰謂周封熊
鬻始有荊哉○呂氏曰楚之于中國自商以來迭爲
盛衰○春秋正義荊楚一木二名故以爲國號亦得
二名○殷本土地名湯因殷而興也又殷者中也
言湯之得中也○二章氏羌括地志隴右岷洮叢等
州是其地○商居河洛之間則荊楚乃其南鄉○氏
羌之種漢世仍存其居在秦隴之西

孔氏

○黃氏曰

言部類卷之六 禮部通考卷之六 六人
羗本姜姓三苗之後居三危今疊宕松諸州其地○
說文西方羗从羊爾雅疏戎類曰耆羗○國語曰夫
先王之制邦內甸服邦外侯服侯衛賓服蠻夷要服
戎翟荒服甸服者祭侯服者祀賓服者享要服者貢
荒服者王日祭月祀時享歲貢終王先王之訓也有
不祭則修意有不祀則修言有不享則修文有不貢
則修名有不王則修德序成而有不至則修刑于是
乎有刑不祭伐不祀征不享讓不貢告不王○四章
箋云天命乃下視下民有嚴明之君能明德慎罰不
敢怠惰自暇于政事者則命之于小國以爲天子大

立其福謂命湯以七十里王天下也○五章箋云極中也商邑之禮俗翼翼然可則倣乃四方之中正也赫赫乎其出政教也濯濯乎其見尊敬也王乃壽考且安以此全守我子孫○四方之極極中之表也周禮疏堯治平陽舜治安邑惟湯居亳得地中史記昔唐人都河東殷人都河內周人都河南三河在天下之中若鼎足王者所更居也○朱公遷曰商周中興之功見于詩者高宗宣王是也宣之政衰于暮年祈父黃鳥之怨刺宜或有之故一傳而幽王大壞周轍遂東高宗則由傳說而得聖人之學始終一德嘉靖

殷邦百世且有祖甲休惠庶民不侮鰥寡而後生亦
賢矣○安城劉氏曰商書曰七世之廟可以觀德蓋
天子七廟三昭三穆與太祖之廟而七八世九世而
後隨其昭穆親盡遞遷其主而祧于太祖之廟其有
功德之君則後世宗之雖親盡而不祧別立百世不
遷之廟而特祔其主焉凡有功德者皆然初不可預
限其數而商則止有三宗高宗卽其一也然嘗立三
宗之廟未知立于何所三宗之後昭穆當祧者未知
入于何廟竊意所立三宗中宗當穆高宗祖甲當昭
各隨昭穆之位特列其廟于太祖廟之兩傍三昭三

穆之上如周文武世室之位也中宗之後則群穆繼之者皆祧于其廟高宗祖甲之後則群昭繼之者皆祧于其廟如周自文王以後群穆祧于文世室自武王以後群昭祧于武世室○濮氏曰嘗謂魯頌之非頌孔氏已言之而商頌後三篇但稱述前王功德殊不及祭告之意亦自與前二篇異耳疊章非周頌也而其鋪敘事實全類大雅諸詩每讀而疑因志于此

頌卷二十九終

詩經類考卷之三十

明武塘沈萬鈞仲容采輯

羣書字異考

關雎 洲說文作州 洲三輔謂之淤上林賦行乎

洲淤之浦蜀漢謂之臂方言 述釋文作仇 竊吳

楚衡淮之間曰娃烏佳反 南楚之外曰媼諸過反 言媼媼

也宋衛晉鄭之間曰艷陳楚周南之間曰窈自嫺而

西秦晉之間凡美色或謂之好或謂之窈 參說文

作𦵏 荇釋文作荇 輟釋文作展 側楚詞作則

葛覃 覃詩說作學亦作覃 敦爾雅禮記作射

卷耳 卷耳爾雅作卷耳 嘒嘒詩考補遺作嘒

頤說文作頤頤姑說文作𠙴音同 疊漢書注作𠙴

𠙴說文作𠙴釋文作𠙴 吁爾雅注作吁 𧣾釋文

作𧣾 兕又作𧣾徐履友 瘡本又作屠 痛本又作

鋪

樛木 樛馬融韓詩並作料 繫楚詞章句作藥

縈說文作縈釋文作縈

蝨斯 蝨爾雅作蜚詵說文作𧈧音同

莠天 天說文作𦵏又作𦵏 蓼通典作漆 華蓼

賊也蓼亦華別名音同 齊楚之間或謂之華或謂之蓼

兔耳 兔釋文作莧 赴後漢書作糾

漢廣 喬亦作橋

汝墳 怒韓詩作溺 調作輞音同 頰說文作經齊人

謂火曰燬郭璞又音貨字書作煨音同 或云楚人名曰

燥齊人曰燬吳人曰煨此方俗訛語也

麟趾 定字書作頰音同

鵲巢 鵲字林作雒

草虫 覲或作遘

采蘋 蘋一作苹 湘漢書注作鶻鶻亭也 筐筥

言部類
月令作筐籩

注與

齋或作齎

音資

或作案

甘棠

翦釋文作剗漢書作翦

莢說文作戔

拜

廣韻作扒憇又作揭

說或作稅又作脫

厭浥

浥又作挹

露又作暮

羔羊

委蛇釋文作逶迤韓詩作褊隋

音同

絨說文作

黻

標梅

梅韓詩作楸

小星

猶爾雅作猷

禍或作幬

死麇

麇本亦作麇又作麋

何彼穠矣

穠韓詩茂

騶虞 虞劉芳詩義疏作吾

柏舟 棣棣禮記作逮逮 選朱穆傳註作筭 寤

擗詩攷補遺 迭釋文作或常也音同 ○舟自關而

西謂之船自關而東或謂之舟或謂之航南楚江湘

凡船大者謂之舸小舸謂之舫音又 舫謂之舫音宿 舫

小舫謂之艇艇長而薄者謂之舫短而深者謂之

舫音步 小而深者謂之櫟音竹 東南丹陽會稽之間謂之

爲櫟音禮 泝謂之舫音音敷 舫謂之筏筏秦晉之通語

也江淮家居舫中謂之薦音符 方舟謂之橫音橫 方言

綠衣 訖或作尤

燕燕 勗秦晉曰釗居連切或曰薄故其鄙語曰薄

弩猶勉弩也南楚之外曰薄劣自關而東周鄭之間

曰勗釗齊魯曰勗茲方言

日月 述本亦作術

終風 笑本亦作咲

擊鼓 鏜石經作鑿說文亦同 洵毛詩曰遠也韓

詩作簣亦遠也 契本亦作挈 說作悅

凱風 睨睨韓詩作簡簡

匏苦 厲說文作砘云履石渡水也音力反雁鹽鐵論

作駢 旭日釋文作盱日雍雍鳴雁詩攷補遺卬頤我友

雁自關東而來謂之鴈同音南楚之外謂之驚

或謂之鴈方音

谷風 鴈勉韓詩作密勿 匍匐禮記作扶服 鞠

養也陳楚韓鄭之間曰鞠晉衛燕魏曰台秦或曰陶

汝穎梁宋間曰胎或曰艾楊雄方言 鴈亦作鴈

宴本又作燕 鞠本亦作詢 蓄亦作畜 御亦作

禦 肄爾雅作勤

旄丘 字林作塹丘上音周友 流離本又作鵠離 衰

本亦作裒 爾雅離或作栗 瑣釋文作鎖

碩人 僕僕釋文作扈扈云美貌 榛本亦作秦

大或作藹

泉水

瀾釋文作坭

怱說文作眡直視也韓詩作

祕

肥或作淝

北門

殷本作慙

摧或作催韓詩作謹

音干

北風

邪一作徐

靜女

姝好也秦曰娥宋魏間謂之嬀

音盈

秦晉間凡

好而輕者謂之娥自關而東河濟之間謂之媼

莫交反

或謂之姣趙魏燕代間曰姝或曰姘言丰容也

音自

關而西秦晉之故都曰妍妍其通語也

方言

姝說文

作媼

貽本又作詒

說本又作悅

洵亦作詢

新臺 泚說文作玼 酒韓詩作漼 浼韓詩作泥

泥

音尾

燕文選注作嫵說文作晏 戚施說文作醜

黿

二子乘舟 養養詩補攷遺作洋洋

柏舟

髡本又作侏

徒坎反

髦說文作髡

特韓詩作

直相當值也

墻有茨

葍本又作邁

詳韓詩作揚揚猶道也

偕老

爾雅褊褊它它

說文今髮

周禮注不屑

髣也

是褻糾也

釋文邦之援也援助也

鶉奔

一作鵲之姜姜

言系類考
載馳 跋涉儀禮疏作輶涉 采蟲說文作采蔘

淇澳 綠爾雅作棗 竹韓詩作濩音徒沃友濩篇筑也

斐釋文作邲美貌 咍韓詩作宜禮記作喧說文作

愜 諼禮記作誼 琇說文作璚 會作體

考槃 阿韓詩作干地下而黃曰干 邁釋文作鍋

韓詩作過過美貌 軸詩攷補遺作逐

碩人 碩碩沈巨濯許敦夏于大也齊宋之間曰巨

田碩陳鄭之間曰敦荆吳楊旣之郊曰濯中齊西楚

之間曰訐自關而西秦晉之間凡物之壯大者而愛

偉之謂之夏周鄭之間謂之暇彬齊語也于通詞也

方言

𦵏書太傳作𦵏列女傳作網說文作𦵏儀禮作

景 譚白虎通作覃 犀爾雅註作棲 螭說文作

𦵏 說釋文作稅 發韓詩作𦵏說文作𦵏 𦵏或

作𦵏 𦵏韓詩作𦵏 𦵏韓詩作𦵏

𦵏 𦵏爾雅註作𦵏 泣楚詞章句作波 體釋文

作履 帷儀禮注作帷 信誓𦵏𦵏說文無與士婉

詩考
補遺

竹竿 𦵏𦵏釋文作𦵏𦵏 楫又作𦵏

茝蘭 支石經作枝 觶周禮𦵏𦵏註作𦵏 悸釋

文作𦵏垂貌 甲韓詩作𦵏

河廣 跋楚詞作企 刀字書作舠說文作舠

並音刀

舠小舠也

伯兮

諼本又作萱說文作憲或作夔

有狐

綏綏齊詩作文文

黍離

離離說文作穉穉

惓惓爾雅作惓惓

君子陽陽

翽說文作翽

揚之水

揚詩說作鷗

中谷有雉

曠說文作鷗

啜韓詩作倭

獻籀文

嘯字

兔爰

說文雉懼于罟

清人 矛方言云吳楊江淮南楚之間謂之鉞音或

謂之鉞音憚或謂之鉞其柄謂之矜 喬說文作鵠

右抽說文作搯

羔裘 渝韓詩作倫

遵大路 說文無我敦兮 魏本亦作欵市由反

還 還齊詩作營韓詩作嫵 猗齊詩作囂水經註

作猗亦作囂從說文作从 肩說文作狎 僎韓詩

作嫵

鷄鳴 鷄陳楚宋衛之間謂之鷄避祗桂林之中

謂之割雞或曰𪔐音從北燕朝鮮冽水之間謂伏鷄曰

抱爵子及鷄雛皆謂之鷲音其郊伏而未孚始化謂之涅方言

子衿 衿石經作衿 叟兮達兮說文

東門 負薛君作覓魂神也 緹巾說文

蔓草 婉玉篇集韻作畹

漆洧 漆說文作澮 洧詩考補遺作詢

著 俟漢書顏師古作埃

南山 從衡其畝從韓詩作由

甫田 驕楊子作喬 變說文作媯

廬令 令韓詩作吟說文作憐

載驅

第釋文作第

淵淵釋文作爾爾

猗嗟

選韓詩作纂謂舞應雅樂

反韓詩作變謂

四矢變易猗嗟顛兮

集韻

葛屨

摻摻韓詩織織說文擻擻

提提楚辭作媿

媿漢書作姦姦 辟說文作僻

伐檀

漣爾雅作瀾

猗爾雅作漪

穡爾雅作嗇

坎坎魯詩作欧欧

輪南楚之間謂之軼

音大

或謂之軼關西謂之輓

音德

碩鼠

宛野謂鼠爲佩

音銑

山有樞

樞魯詩作藎

詩攷補遺又作藎

愉漢

書文選註作媼 何魯詩作胡

揚之水 繡鄭箋作綯

綯繆 近說文作邁

羔裘 裒韓詩作裒

杕杜 筮韓詩作逝 周韓詩作右

采苓 苓詩補考遺藟

車鄰 鄰韓詩作伶

駟鐵 漢書作四載 歇韓詩作獨 驕韓詩作僑

小戎 盜說文作茨 公釋文作各 閉說文作秘

周禮註作鞮 厭厭列女傳作惜惜

兼葭

迦爾雅作泝說文作泝

淒淒釋文作萋萋

終南

渥丹韓詩作渥頰

紀崔寔思作吧

晨風

晨說文作鷖

鬱說文作宛苞櫟爾雅

無衣

澤說文作禪釋袴也

權輿

末句爾雅多一胡字胡不承權輿

檜風

檜一作鄒地理志作會古外反

宛丘

湯楚詞作蕩

翻爾雅作纛

方言曰楚曰

翻關西東皆曰幢

東門

說文市也嬖娑

衡門

墓門

列女傳墓門有楸

鵲巢

美韓詩作媿

鵲說文作鷦又作鷽又作鷽

詩考補遺

月出

惻羣經音辨作劉

惻朱云當作慄

澤陂

荷樊光註爾雅作茄

傷魯詩作陽

儼韓

詩作營輾韓詩作展

素冠

棘人樂樂兮

說文

長楚

猗儺楚詞作旖旎爾雅作長楚

匪風

怛韓詩作慤古怛字

飄與焱同說文作𩇛

漑說文作概

蜉蝣

衣裳黼黻說文

候人

袂禮記註靈恩集註俱作綴 彼其國語作

彼已禮記作彼記 蒼說文作嬾 變說文

作嬾

鴈鳩

騏周禮註說文作璣 尸鳩漢書 伊騏周

禮註作基說文璣

七月

威發說文作澤沃 栗烈集註作栗冽按烈

從火不得爲寒氣 向儀禮䟽作鄉 曰漢

書作聿 鬱韓詩作霍 重周禮註作穜

穆作稯 凌陰說文作勝陰 蚤禮記註作

早 觥禮記註作觥 蟋蟀說文

鴟鴞 迫天說文作隸天 予惟音僥僥 詩考補遺

東山 靈雨說文作霪雨 鶴說文作萑 栗薪釋

文作蓼薪

破斧 是皇齊詩作是匡 吡爾雅註作訛 道集

本作棼

狼趺 瘡說文作躓几几崔靈恩集註作棼說文一

作已已一作棼棼

四牡 倭遲薛君作威夷隘也漢書地理志作郁夷

痠痠駱馬說文漢書作驪驪

皇華

駢駢楚辭作僉僉說文作莘文

常棣

譌譌說文作譌譌藝文類聚作煇煇

春令

左傳作鴈鴈 飲酒之飫說文作饌

伐木

許許說文作所所 墉墉舞我 又鞞鞞舞

我俱說文

天保

吉圭惟饌

三家詩

潔蠲爲饌

周禮

祔祠蒸嘗

禮記註

采薇

彼爾惟何說文

杕杜

檀車張張音同蟬釋文

嘉魚

烝然鯈鯈說文

南山 樂旨君子左傳

蓼蕭 和鸞嘒嘒賈誼新書

湛露 厭厭韓作惜惜悅文作厭厭惜惜和悅貌

菁莪 菁菁薛君作蓁蓁

采芑 朱紉斯皇白虎通

車攻 圃草薛君傳圃博也有博大意馬融傳註作

圃草 赤紉金駟白虎通扶拾周禮註集韻

作夾拾 舉柴說文作舉掌

吉日 駉駉俟俟馬融傳註旣禡旣禡說文其麇孔

有爾雅疏

庭燎

鸞聲鉞鉞

說文

鶴鳴

可以爲曆

說文

祈父

有母之尸雍

外傳

白駒

空谷薛君作窮谷

斯干

如矢斯拐拐隅也

如鳥斯翮

翮也

載衣之

締釋文云示之方也

約之格格

周禮註

無羊

或寢或訛作譌覺也

釋文

節南山

天方薦嗟

說文

天子是庠卑民不迷

荀子

昊天不庸庸易也

釋文

正月

謂地蓋厚不敢不迷

倬倬彼有屋

說文

速速方有殺

漢書

密勿從事

漢書

悠悠我悵

爾雅註

憂心瘦瘦

詩考補遺

十月

悠悠我瘵

詩考補遺

燁燁震電

全上

繁惟司

徒聞妻扇方處杜欽傳

諛口警警

俱釋文

小旻

歛歛訛訛漢書喻喻咎咎荀子膳王肅讀作

輜大也或慙或謀

漢書

戰戰矜矜

左傳

螟

蟪有子孺靡負之

說文

小宛

哀我殄寡殄苦也

宜豸宜獄

小弁

弁漢書作卞

音盤

條條周道

詩考補遺

怒焉

如疇

除又釋文

藿菁泚泚

外傳

譬彼痍木

說文

巧言

僭始既湏

戴戴大猷

說文

漢書註秩秩大

繇聖人謨之

既微且瘡

說文

僭始既減釋文

巷伯

縷兮斐兮縷白文貌

耳聾幡幡說文勞

人慄慄

詩考補遺

哆兮謔兮

詩考補遺

鋤兮哆兮

說文

蓼莪

蓼莪蓼蓼者儀

隸釋

瓶之室矣

說文

皤天罔

極

漢書

大東

嬋嬋公子往來貌

釋文

茗茗公子行彼周道

楚詞

哀我瘳人

爾雅

周人之子

朱育集

○琁琁佩

璲

爾雅

歧彼織女

說文

東有启明

詩反補遺

周道如

詩經類考

群

詩經字異然三

三

三

砥孟子

四月

匪敷匪薦

文說

百卉具瘠

詩考補遺

北山

或盡鴉事國

漢書

鼓鐘

憂心且忉

文說

楚茨

楚齊禮記註楚楚者資

楚詞

我執黍稷文說祝祭

于繫

文說

馥芬孝祀

薛君

信南山

甸韓詩作嗽

匀匀作營營

周禮疏

甫田

倬釋文作鋤

音同大也

東昇釋文作卜界卜報

也或芸或芋黍稷儼儼漢書

大田

去其螟蟥

文說

有睪淒淒呂氏春秋

洛矣

誅齡有絕

白虎通

桑扈

受福不讎

兕觥其斛

說文

匪徼匪傲

漢書

頽弁

先集惟寬

爾雅註

樂酒今昔

楚詞

車率

高山仰止

說文

景行行之

史記

青蠅

營營青蠅止于楸

說文

止于蕃

史記

賓筵

威儀取取善貌

蒲板友釋文

仄弁之俄

屢舞斐

說文酌彼漣漪詩考補遺

采菽

采叔

國語

威沸濫泉

說文

湔沸濫泉

詩考補遺

赤紼在

白虎通

便蕃左右亦是帥從

左傳

紼網維之

爾雅

優哉游哉聊以卒歲

角弓

解解角弓

說文

宴然聿消莫肯下隧式居屢驕

荀子隧讀為隨

隰桑

瑕不謂矣

禮記

白華

漉沱北流

說文

瓠葉

有莛斯首

後漢

漸漸

俾滂池矣

史記

文王

不顯奕世

後魏志

娓娓文王

集註

述修厥德漢書儀

監于殷

禮記

上天之載載讀曰哉謂生物也

禮記

註上天之緯

揚雄傳

大明

天難謚斯

漢書

聿嬪于京

爾雅註

允懷多福繁在

縣

邠之陽其旂如林

文說

毋野汙汙

水經

磬

磬也

一

陶窶陶穴

文說

吠夷喙矣

左傳

犬夷咽矣

昆

夷駢矣

文說

予聿有奔走予聿有先後

楚詞

周原

臝臝

莫來反

臝門有閑閑盛貌

釋文

械樸

追琢其璋

周禮

彫琢其章疊疊我王

荀子

旱麓

琕彼玉瓚

文說

周禮註作卹彼

凱弟君子

禮記

皇矣

求民之瘼

漢書

此惟與度

論衡

克順克俾俾于文

王

禮記

無然畔換

漢書

其菑其殫

菑反草也殫

因也因高填

下也

莫其德音

莫定也左

與爾隆衝

釋文

崇墉

圻圻

文說

是禴是禡

禴禡

靈臺 白鳥鶴鶴子孟賈誼新書作鵽鵽 經始勿愆

詩考
補遺

下武 應侯慎德家語淮南子昭哉來許漢碑昭茲來御慎

其祖父後漢書註

至有聲 耿求厥寧文說匪華其猶聿追來孝革急也度是

鎬京禮記既伐于密書大傳築城伊洹釋文

生民 不埤不齔 克疑克嘒 禾穎穰穰 瓜瓞

戢戢集韻或春或枕儀禮註或簸或冒拂厥豐草

釋文惟囊惟芑烝之烺烺說文浙之溍溍爾雅音義后

稷兆祀集韻

行葦

惟葉柅柅

文選註

肆筵設枹

楚詞

鳧鷖

公尸來燕醺醺

說文

假樂

不憊不忘

文選註

不騫不忘

繁露

公劉

于邠斯觀

白虎通

洞酌

可以饋饕

說文

卷阿

嗣先公酋矣

祓祿康矣

爾雅註

嘒嘒其羽

說苑

民勞

替不畏明

替勇也說文

板

下民卒瘁

禮記

是用大簡

左傳

無然譴譴

說文

洩

爾雅

老夫懽懽

爾雅

民之方唵

說文

介人惟藩

漢書

上帝版版

詩攷

聽我敖敖

同上

多將謫謫詞

之斟矣

已上詩
考補遺

蕩

曾是強圉

漢書

不明爾德以亡耆亡仄

漢書

式

號式諱

漢書

盪盪上帝

詩攷
補遺

抑

有梏德行

禮記

荒沈于酒

漢書

誥爾人民

鹽鐵
論

白

圭之刮

說文

不譽于儀

禮記

我心懞懞

五經
文字

誨爾

怵怵

禮記

又作詵詵

詩考
補遺

聽我邈邈

何子孫

惓惓

詩攷
補遺

又作承承

外傳

桑柔

國步斯曠

說文

告爾憂卹誨爾序爵誰能執熱

鮮不用濯

墨子

泰風有隧

爾雅

徃以中垢

外傳

雲漢

饑饉洊臻

繫

蔽蔽山川

說文

蘊隆燼燼

詩考
補遺

有

識其聲 說文

崧高 錫爾玼圭 爾雅 既入于徐 楚詞 王踐之事 踐任也

蒸民 民之秉夷 孟子 不畏強圉 漢書 四牡騤騤四牡騤

騤 說文

韓奕 弈弈梁山 爾雅 有暉其道 什 鉤膺鏤錫 說文 肇

革 詩攷補遺

江漢 武夫潢潢 楚辭 弛其文德協此四德 禮記註

協和也

常武 敦彼淮濱 說文 懿厥愬婦 匪降自天 漢書 鞠人

伎咸 說文 舍爾介遘 說文 邦國殄賴 漢書 民民翼翼

釋文

清廟 途奔走在廟

禮記註

維天 孟仲子曰於穆不似

正義

誡以溢我

說文

誡以

謐我

廣韻說文

昊天 緝熙亶厥心

國語有謐賈誼新書

時邁 及河嶠嶽

執競 鐘鼓錚錚磬管鏘鏘

說文又作楚楚漢書

思文 貽我嘉麥

文選

飴我釐楚

漢書

有瞽 應輦懸鼓

周禮註

潛 潛 小爾雅作潛

古潛字

載且見

車有珍

說文

聖子字

斃斃在灾

說文

小生感

自求幸赦赦事也

釋文

莫予粦牟

爾雅

載其姜

有畧其耜

詩攷補遺

其耕郝郝

同上

民民其庶

象貌釋文

良耜

其鑄斯擗

集韻周禮

既秣茶蓼

說文

以秣茶蓼

詩考

補遺

積之秩秩

說文

積積禾也

絲衣

素衣其紕弁服侏侏

說文

鴈鼎及哉

哉音資史記音義

不虞不驚

史記

不吳不敖

說文

酌

汔

荀子

勺

儀禮禮記漢書

其

鋪時繹思

左傳

凡

於皇明周

白虎通

駟

有駟有騶

說文

牡馬河北本作牧馬

以車驛

驛

釋文 崔本

泮水

薄采其苢

白虎通

其旂伐伐

羣經音義

言采其芾

說文

在頻獻馘

禮記

束矢其揆

說文

翦彼東南

翦除也

文獮彼淮夷

覺悟貌 薛君

閔宮

稂稚未麥實始戩商

說文

戎狄是應荆荼是懲

史記弁有下土

詩考 補遺

邦

鼓鼙鼙

說文

湯孫奏嘏

詩考 補遺

亦不怡懌

同上

有和鬻

說文

亦有盃羹

說文 通釋

醢嘏無言

左傳

長發

玄王桓發

文釋

海外有戲

漢書

至于湯齊

禮記

註

聖敬日齊

同上

百祿是擎

文說

為下國駿蒙

子前

註

為下國啜郵

禮記

為下國恂蒙

文說

奏其勇

大戴

禮

武王載坡

文說

武王載發

外傳

包有三枿

子同

書

漢書

帝鼓既伐

書

殷武

眾入其阻

文說